

高苑縣誌序

余受任高苑見其民凋敝俗好訕訐又多
逋賦加以雨暘不時則水旱洊至于是競
競若履春冰伏念正供當急也爲之月一
征視其後者而策之民樂輸矣訟者立爲
平決時時諭之以親睦人稍感化闔閭亦
少褻息矣六稔以來歲不大祲惟是以縣
志當脩厯於懷而未逮康熙十一年壬子

八月奉檄修縣志幸得前令葛君臣舊本
前令馮君文盛重修者少加刪整然自明
萬曆中年後多闕畧訪之故老莫得其詳
故補葺自

皇清始夫高苑古臨濟也漢初田氏兄弟更
王戰國時仲連先生之高風遺壟在焉周
厲王朝三諫臣之廟貌丹青未泯此皆是
邑之表表者若夫小清河之水害隣人之

盜決則前令爲其勞而我受其逸故備錄
其議以告來者嗟乎高苑青州十四屬之
最小而貧之縣也賴民多力穡婦女則織
布以自給迄今沐浴

聖化人文且蔚起矣又能急公自好他日有
賢人君子式蒞茲邑行見瘠土化爲樂郊
而忠臣高士之風何不可再見也

康熙壬子陽至文林郎知縣事華亭宋粥

題



高苑縣誌序

邑必有志猶一代必有史一姓必有

譜也高苑在青齊未為雄邑然視萊

維諸邑則文明早被田氏時乃為王

都近郭游覽弋獵之地齊之有高苑

猶漢之有上林也上林蟲魚鳥獸以

至一艸一木司馬相如悉入宮商經
緯而賦之高苑幸得除荆棘立城郭
置社稷聚民人列里閭闔阡陌廣輪
數千里可當古一侯國賦額二萬可
當貴竹數郡而誌載荒畧使一邑之
奇人名士忠孝節烈文章爾雅湮沒

不傳豈齊無人乎得無爲司馬相如
所笑吾友宋君采臣以愷悌之政喚
喚一邑謳歌之聲達於境外民和訟
簡公餘多暇乃取邑志修之凡分野
山川土產風俗財賦貢獻古蹟沿革
名宦鄉賢畸人列女僊釋藝文犁然

畢備典雅有法詳贍而不蕪使好古者有所考而憲古者有所勸戒是良史也夫政事文學自古難兼朱邑治桐鄉卓茂治密政績炳矣而著述闕然至於華陽國志陳留耆舊諸書又皆邑人所自葺而與爲政者無預采臣乃兼有之豈非異才因念宋氏之於著述素所擅長采臣弟峩脩簡臣薄宦於魯脩闕里廣志以呈合肥龔端毅公公大爲擊節書遂傳世余才望不及合肥雖爲玄晏詎足重采臣乎顧天下有不朽而采臣從事其二

取之造物者可謂奢矣

康熙丙辰二月初吉

賜進士及第國子監祭酒萃亭沈荃題



高苑縣志目錄

卷一

方輿志

圖考

沿革

分野

疆域

山川

形勝

風俗

里社

物產

陵墓

古蹟

卷二

建置志

城池

公署

舖舍

橋樑

壇廟

楯櫓

集市

村店

養濟院

漏澤園

寺觀

卷三

職官志

封爵

縣職

學職

雜職

卷四

學校志

學制 祭器 鄉射 學田 社學
書院

卷五

選舉志

辟薦 甲科 鄉科 歲貢 武弁
封廕 例貢 吏掾

卷六

人物志

名賢 孝義 貞節 隱逸

卷七

賦役志

地畝 稅糧 丁口 徭役 兵防

卷八

藝文志

祭文 碑記 歌謠 詩贊 河議
附災祥 叢談

高苑縣誌卷之一

方輿誌

圖考 沿革 分野 疆城
山川 形勝 風俗 里社
物產 陵墓 古蹟

敘曰方輿之所從來舊矣然而今之方輿多不合於古之圖誌而古之郡邑又不合於今之名稱欲一一而牽合之未有不爽者苑邑之封疆與鳩氏邈矣春秋而下代有因革或省或入或析或合難以數舉如長山之苑城唐漢之舊邑治也今已析屬濟南蒲姑之會城洎隋之舊邑治也今已改入博興其他可知

高苑縣志 卷之二
已且元時之畛域略及南山而明朝之境土界止清
河

皇清因之是今之輿圖半非故履矣然而星野之昭回
山川之真麗千古而下莫之或改也仰觀俯察四封
之內有足述者故弁圖攷於簡端使入其疆者披圖
而觀而興亡之故跡因革之大端如指諸掌其他屬
之方輿者皆以類從焉庶乎觀其形勝考其風俗而
治教刑政可次第舉矣



縣境圖

縣城圖

小清河圖

縣境

圖


司屯系志

卷之二

三

司屯系志

卷之二



田家莊社

魏家莊社

魏家莊社

魏家莊社

順德夫人廟

下里務社

謝家莊社

崔家莊社

益

廣濟橋

吳家莊社

社稷壇

縣城

廣濟橋

魏家莊社

趙家莊社

魏家莊社

官莊社

崔家莊社

油莊社

仇家莊社

姚家莊社

曹家莊社

丁家莊社

家源社

三教社

呂家莊社

演武所

巴馬塚

縣城

敷教坊社

山莊社

廣濟橋

高山

濟濟

通濟橋


小清河

小清河

河婦

城縣

圖



北

光

拱辰門

普濟寺

關帝廟

遺愛廟

陰陽臺

城隍廟

功德祠


馬局灣

養濟院

文明文坊

明文

圖



北

光

拱辰門

普濟寺

關帝廟

遺愛廟

陰陽臺

城隍廟

功德祠

馬局灣

養濟院

文明文坊

明文

妙善堂

布政司

府館

縣治

教養


儒學

書院

城隍廟

河圖

小清河



按高苑禹貢青州之域地名宛墻

晉灼曰宛苑苑三宇古通用故西漢

用宛東漢用苑晉以後用苑天官書句曲九星三處

羅二曰天苑正義曰天苑十六星如環狀在畢昴之間主養禽獸天子之苑囿也

殷武丁子封於宛春秋時齊桓公置

宛圍於此故名宛城

通誌宛城世傳為齊桓公苑新城縣誌縣治在桓公繫馬臺上

故邑名桓邑蓋元始割高苑之南鄙置新城則高苑為桓之宛明矣

戰國時為翟城地

史記淄州高苑西北翟故城曰僂殺翟令於此以兵救魏于咎於臨濟

漢初為丙倩七

反侯國後析置翟披

皮彼

陽高苑三縣屬千乘郡隸

青州部

高苑名見戰國置縣助於漢通黃高苑有漢披陽城又為翟縣地一披後齊於今長山縣

置直平原郡漢書註千乘故城在淄州高苑縣郡

得王莽更名常鄉東漢復名高苑改屬樂安國仍隸

青州部安帝永初二年又改翟為臨濟後省入高苑

水經註臨濟縣故翟邑也王莽因之封裴秀為侯國

裴更名利居安帝改從今名晉因之封裴秀為侯國

秀為侯國今遺址在境內南北朝廢別於縣西二里

故城置長樂縣屬渤海郡隸冀州部高齊改屬長樂

郡隋開皇二年郡罷改屬齊郡隸青州部十六年改

屬淄州十八年改名會城 齊乘城南有八會津水陸遺址在博興縣南會城所隸其路有八故名會城

城泊至今地名苑庄 大業間復名高苑仍屬齊郡隸

青州部

齊乘高苑故城在長山縣北二十里苑城店

唐武德初改屬鄒州

八年州廢改屬淄州淄川郡隸河南道景隆元年析

置濟陽縣

齊乘濟陽縣在濟南府東北九十里唐景隆元年析高苑置縣

元和十五

年省入高苑宋初因之屬淄州隸京東東路景德二

年以縣置宣化軍熙寧三年廢復為縣即縣治置軍

使金復名高苑屬淄州隸山東東路元因之屬行淄

州至元二年州廢改屬益都路總管府隸山東東西

道宣慰司明洪武初改屬青州府隸山東布政使司

分野

地志虛危為齊分星曰元枵宮曰寶鉞時曰子州曰

青

春秋運斗樞虛危之精流為青州分為齊國

天官書齊虛危之分野北有千乘清河以南渤海之

高樂高城重合

晉天文志齊國入虛六度北海入虛九度樂安入虛

四度

唐天文志須女虛危元枵也初須女五度餘二千三

百七十四秒四少中虛九度終危十二度自濟北東

踰濟水得漢北海千乘淄川濟南齊郡及平原渤海
九河之南濱於碣石

宋天文志天市垣二十二星東西各列十一星其東
蕃第七日齊又曰女宿之下有十二諸侯之星九坎
之東一星為齊按易曰觀乎天文以察時變蓋以陰
陽之精其本在地而上發于天此括
地者必首辨星野歷考象緯諸書無專言苑牆者先
儒謂一度該二千九百餘里魏陳卓分郡國宿度日
齊國入虛六度今之府境是也去邑境
百里而遙則邑之入虛六度也明矣

疆域

四境幅員大都在元以前南北長而東西促節商山

在東南九十餘里猶屬版圖今制南北促而東西長
延五十里袤四十里

東至博興縣三十里以姚家套為界至縣治二十里

西至青城縣五十里以田鎮為界至縣治三十里

南至新城縣三十里以小清河為界至縣治五里

北至蒲臺縣七十里以舊鎮為界至縣治四十里

東南抵臨淄縣九十里以通濟橋為界至縣治五里

西南抵鄒平縣七十里以岔河為界至縣治七里

東北至利津縣一百四十里以鄭家店為界至縣治三十里

西北抵武定州一百四十里以田鎮為界至縣治三十里
東南達本府一百五十里西南達省會二百四十里
至北京八百里至江南一千七百里

山川

南山齊乘南山在臨淄西三十里今隸高苑一統志
在高苑東南九十里今寄于益都境中

大清河古濟水也舊經臨濟縣南今在境外西北五
十里濟水勁疾穴地伏流隱見無常發地皆

泉故一見為濟源再見為榮水又見為山東諸泉水
而溢為大小清河

小清河濟水之支流也發源于濟南之均突泉流而
為灤水春秋相公十八年會齊侯于灤是也

流逕華不注山華泉水及歷下名泉七十二皆入焉
東北流入大清河偽齊劉豫導之東行至韓家店西

分一支為小清河會龍山河經章丘會清溪沙

經鄒平長山新湖至本縣西南程兒頭入境流至縣

南岔河會孝婦河東流逕博典又東北至樂安馬車

瀆入海齊琰小清河為運鹽河初行高苑縣北金皇統

間縣令高通改由縣南長沙溝然此水迂曲上流歧

淺鹽舟多梗議者欲引孝婦河水西注上流非計也

一按齊乘所載小清河之水在元時則為民利何在
日則為民害也蓋河身淤塞已非故濟而新民盜決

又為故河真此其澹沒之苦莫可控訴詳具藝文
誌河議中

孝婦河古名孝水齊有婦顏文姜事
以供始嗜不問寒暑意泉生于室文姜嘗
以緝籠蓋之始怪其取水即得值姜出始入室發籠

觀之水即噴湧壞其居宅故一名籠水水經一名孝
感泉源出益都縣顏神鎮西山麓經淄川西門合
水至東北會萌水北經長山新城至縣界西南七里
與小清河合流逕博典至樂安東北高家港入海一
高家港即馬車瀆

支脉溝 在縣南二里洩馬家泊一帶水逕博興遶樂安張家鎮入小清河今遷

麻太泊 在高苑博興新城三縣之間俗名官湖又名錦秋浦即魚龍灣恩同

美渠如錦亦一大觀也 在六十里蒲葦叢生

馬家泊 在縣西南五里原聚水之處若天雨連綿則駕鴨灣水又灌入泊中汎漲為害



包泰山而作鎮負滄海以為 居縣令李仁碑 南山峙其東

清河阻其西 山東通志 城之四周西北高阜東南汗下大

清河經其北小清河界其南

南山霽雪 山在縣東南九十里奇峰晴嵐四時皆佳至雪霽後則一巖簇玉萬樹綴瓊宛然

前圖畫也

濟水明霞 水橫縣南五里澎湃激灑狀難盡寫乃朝輝夕照掩映波中始知水天一色霞段為

齊飛非虛語矣

靈廟遺忠 靈侯周厲王時三諫官也詞與墓俱在城內時一瞻拜肅然有三代遺直之想

龍河播孝 顏文姜龍蓋水之發源神鎮流至谷河入境夫誠孝所感山河變換一筭惘猶然

况冠紳而為丈夫者當何如是足風孝矣

翟城春雨 縣西北長堤如帶父老傳云此古翟城也方春雨餘桃李盈畦桑麻得隴凭高寄眺

泱泱大國之風猶有存者

靈臺秋月 縣東郭稍北有臺巋然相傳為靈異臺臺俯城郭四顧事做每秋宵月上把酒凭欄

靈臺秋月 縣東郭稍北有臺巋然相傳為靈異臺臺俯城郭四顧事做每秋宵月上把酒凭欄

靈臺秋月 縣東郭稍北有臺巋然相傳為靈異臺臺俯城郭四顧事做每秋宵月上把酒凭欄

則一瞬千里勢盡青徐邑中景物此稱勝槩

南浦漁歌 蒲名錦秋饒魚藕土人競操舟取之每蒨白荷綠雨歇煙消欸乃之聲響窮水際雖環三縣之界遊賞者時時往焉

古墟牧唱 墟為魯仲連墓在縣西五里遺址雜荆榛中曉日樵歌晚風牧笛聞者時起雍門之慨云

風俗

土虛而民耗 左傳齊之水適勁而急故其民貪麤而好勇

齊民闊達多匿知其天性也 齊世家士多好經術矜功名舒緩闊達而足知其失夸奢朋黨言與行謬

虛詐不情急之則離散緩之則放縱 漢地理志 男子多務

農桑崇尚學業 隋書 若使俗除放縱風扇淳和太公之一變可追仲父之四維齊舉 唐李仁碑 其俗重禮義勤耕

維 宋地理志 齊固為文學之國然亦以朋比夸詐見於習

俗 曾鞏齊州詩序 土饒民貧賦重差繁性剛好義尤重婚喪

之禮 青州府志

元旦 戶無貴賤皆更衣謁廟拜尊長然後親友更相拜賀

立春 五鼓鞭春市民群集爭取土牛名曰搶春

元宵 市民粧歌臺雜伶優以競勝燈于門舉放火炮花竿

清明

家具牲酒楮錢祭墓加土立鞦韆為戲

端陽

插艾于戶以避毒氣小兒以五彩絲繫手足及項下垂香囊號長命縷

中元

設糜瓜果祀祖先于家

中秋

以禮物相餽夕則對月宴飲名曰圓月

重陽

傲古遺事携酒登高

十月一日

其時食酒肴祭墓

冬至

具牲醴祭祖先于家士人行序拜之禮

除夕

具牲醴祀先祖燒火盆響爆竹換桃符寫春聯骨肉團圓而飲名曰守歲

附元于氏齊俗論

齊自孟嘗任俠過義後世反敗其俗至于近代不惟鄉義疎薄骨肉

之恩亦虧喪矣蓋因金亂瘡痍之餘重以李膺之困民不甞地產銖必分膝下嬰孺亦于昆弟有彼已之辨風俗大壞且五代于戈之際民有累世同居旌表者在在紀之豈有承平百年風俗乃薄惡如此可勝歎哉漢志曰南陽好商賈召父雷以木業潁川好爭訟分異黃霸化以篤厚君子之德風也然則齊俗之弊果不可變耶

葛臣曰陵谷有時而遷俗守豈無變易今之苑俗土瘠而生善產薄而好惰士知禮讓農樂耕桑去功利夸詐之風遠矣凡業儒者一之三服耕者十之七鬻販者十之一其君子則朴茂少文其小人則冥頑無知喪重佛事送終則結彩相尚娛尸則淫樂竝作聲律入而為平語言濁而不清謳歌多用商調蓋商傷也物既老而悲傷是豈細故也哉然政善則民足民足則道生道生則俗美曩時聚廬村落烟火相望今也破產頽垣淒涼滿目甚至夜不聞鷄聲晝不見烟爨曩時男耕女織各安其業今也男兼女織婦竝男耕甚至子女代耕牛于隴老嫗服役使于官孟子曰

民無恒產則無恒心苟無恒心風俗不忍言矣是以東作復業西成途逃徵稅糧則告包賠催銀差則告頂補扛幫告官曰血會把持衙門曰陳言甚者窩盜窩訪最為大害大抵皆展轉攀緣莫可窮詰非細智之心神不能辦厥事先正云上有偃草之機下有從風之勢愚因招撫流移得二千請給牛犂得百隻督率耕耘慮其無教也又作十禁十尙于保甲以寓勸懲令民體教者孰謂俗不可變耶

里社

原額四鄉元初割長山縣東鄙高苑縣南鄙置邑曰新城仍以田索二鎮屬焉後新城以田鎮易我南川一鄉今止三鄉

東曰永寧鄉 領社十

敷教坊社 在城東街 三教堂社 在城東八里

丁家庄社 在城東十里 曹家庄社 在城東十五里

姚家套社 在城東二十里 寨頭社 在城東北十五里

衛靈塚社 在城北二十里 崔留庄社 在城東北三十里

油崔庄社 在城東北三十里 仇家店社 在城東北二十五里

北曰正德鄉 領社八

宣化坊社 在城北街 魏家庄社 在城西北二十里

田鎮社 在城西北三十里 譚郭庄社 在城西北三十里

崔家巷社 在城西北二十里 謝家庄社 在城西北十里

灣頭社

在城西二十里

東劉庄社

在城西南二十里

西曰新安鄉

領社十

新李庄社

在城西街

吳李套社

在城西二里

張李庄社

在城西七里

白家務社

在城西十里

趙時庄社

在城北二十里

十里務社

在城西北十五里

官庄社

在城北二十里

孝婦社

在城北十五里

唐王庄社

在城北十五里

程家庄社

在城西南十五里

物產

邑當濟水下流其地多瀦產無異物漢書所稱國土

卑濕租委鮮薄今之視昔千古一轍矣惟是五穀略

備不減他邑城南地濱河宜屬秋春麥若倣江南之

法引小清水可作陂塘秧稻惜土人不能也春苦旱

夏秋苦雨有水之害無水之利一或不登室若懸磬

民有轉溝壑鬱而之四方矣果有桃李梨棗菱芡林

檜之類佳者冬平項黃而不產胡欒與栗柿木多楊

柳樗榆間有真榆獨無松白楸亦拱把耳有桑而

不茂養蠶之利薄矣花卉芟苳最盛甲於他邑牡丹

芍藥葵榴萱菊之屬色色略備惟雪中無梅與竹六

抵土人務本花卉非所尚矣瓜茄諸蔬他邑所有者亦
亦有之然鬻自鄰境者十之八九酒不售江南諸品
戶以黍米釀所謂青州從事也飛禽之屬家則有鵝
鴨鷄鴿野則有鵲鳩鳩鴉黃雀紫燕及諸水鳥不一
而鸛多來巢獸中六畜大槩東省相同但地濕不宜
羊無獐鹿豺虎境內少深山茂林故也惟貍則有益
于境土凡種鱸瀉地用貍糞和土漬種可變惡爲美變瘠爲肥也泊內多水族魚
味頗稱佳又春有青魚來自海上冬有銀魚網之
清實非土產者小青魚宜木棉以棉爲布

三種曰平機曰乾機曰立機間有捻繭綿爲紬織蠶
絲爲絹者或亦齊統之遺歟器用陶而成盆其色黃
僅供土人之用他邑不售也地徧鹺鹵故朴硝火硝
在昔頗爲邑利今多滄沒水中而利亦鮮矣若夫爲
害者有蟲三種螻蛄蛄鼠蚊是也螻蛄咬傷苗根蛄
鼠穿壞堤岸蚊多嗜人其他蟲屬瑣瑣不載藥品
蒺藜兔絲大小薊蒲公英之類產田野間者其種不
一泊中饒蓮葢蓮肉磁石出于商山近山居民多採
也

周蒲王墓 縣北二十里無考

三靈侯墓 周厲王時諫官唐宸葛雍墓在縣治東南周武

墓在縣治東本廟後

衛靈塚 在縣東北二十五里高三丈左氏靈公卒夫

他子且君没于吾手若有郭必聞則公薨于正寢明

矣稀韋曰夫靈公也死卜葬于故墓不吉葬于沙丘

而吉掘之數仞得不嚮焉洗而視之有銘焉曰不慙

其子靈公奪而埋之夫靈公之為靈也久矣

張希稷曰靈公薨于正寢顧肯遠越齊魯而葬崔之

北鄙哉一統志衛國城觀縣東南四十二里有衛靈

公墓通志觀縣界內有康叔崩憤靈公諸塚則此為

春秋魯仲連墓 縣西北五里世呼為魯先生墳明嘉

靖二十七年知縣葛臣修山東參政

張鑑有碑記隆慶戊辰邑人王士行建祠設祭田八

十畝萬曆十九年知縣齊鳴鳳申請春秋二祭

晉寧州刺史辟閻允墓 太平廣記平原郡高苑城西

晉寧州刺史辟閻允墓前有

白銀杏二十株

金元帥董達墓 縣西二十五里

元臨淄侯李志和墓 城東五里舊濟河岸南

鴈門伯田守信墓 縣東十五里有止奉大夫侍御史

張起巖碑

總管胡哈喇墓 縣西北二十里

僉都郝源墓 縣北五里有石翁仲

鹽使李實墓

縣北十五里有碑

樂安伯孫可特墓

縣北十五里

高苑縣尹崔就墓

縣東北三十里油崔庄有碑

明翰林學士閻盛墓

縣東北二十里

給事中雷澤墓

縣西五里

知府許敬墓

瑞州府知府高中墓

俱縣東寨頭社

贈光祿寺署丞王九齡墓

在城西五里新李庄社

贈戶部郎中張珣墓

陝西行太僕卿張希召墓

封戶部郎中張鯤墓

俱在城西五里新李庄社

古蹟

黃河故道

由德州城東二十里西南自齊河南接于梁山北過臨邑縣西南四里曰大土河秋

冬俱涸盛夏霖雨時或漲溢從禹城流入縣界東接濟陽黑水灣北流至樂安白龍口入海一文獻通考高苑有黃河濟河今之大小清河皆濟河也惟黃河故道無考然境內多枯河今小清河岸北有黑水灣則黃河故道為可尋耳

濟河故道

即舊小清河在縣北二十里今湮塞舊迹猶存

程城

城西北二里括地志淄州高苑縣西北程故城後漢郡國志臨濟水程安帝更名

千乘城郡國志高苑縣北二十五里古千乘縣以齊景公有馬千駟故於青丘得名縣北有青丘

披陽城

寰宇記在高苑縣西南漢武帝封齊孝王子燕侯國也

樂安城

齊乘章丘臨濟鎮東北八十里地志以為漢千乘郡後更為樂安國乃在高苑此蓋漢元

帝封匡衡侯國耳

延鄉城

水經註千乘有延鄉城世謂之從城延從字相似漢元帝封李譚為侯國又名會城隋開

皇開改高苑名會城即此

濟川墟

晉書咸熙初封裴秀為濟川侯以高苑濟川墟為侯國

廢濟陽城

在濟水之北去縣治九十餘里唐景隆元年析高苑置尋廢

高苑故城

齊乘長山縣北二十里苑城店因此得名

鳳停臺

縣北二十五里有宋元豐間斷碑鳳凰停此三日故名一按漢宣帝時鳳凰停于千乘

馬局灣

縣治東南隅世傳齊景公牧馬于此有局池以便飲洗冬夏積水不涸

釣魚臺

縣西五里無考或是昔黃河枯岸遺址也

龍堂

縣東北郭舊小清河岸側無考

護城堤

縣南金皇統九年令高通築

禦水堤

俗名小堰縣西南一帶自程兒頭起至閘上凡五十里

高堰堤

俗名大堰縣西南二十餘里防濬山泊一帶之水趨城北者明初鄒平等縣分修有碑記

高苑縣誌卷之一

高苑縣誌卷之二

建置誌

城池	公署	舖舍	橋梁
壇廟	楯櫓	集市	村店
養濟院	漏澤園		寺觀

敘曰先王建邦設都奠安上下司空命官於周典將作列監於漢室厥惟舊哉苑墻雖葺爾乎然有一邑之土地必有一邑之經營悅以使民王道所不廢也是故金湯保障則有城池懸象著位則有公署舖舍以傳命橋梁以利涉壇廟以棲神而楯櫓則表揚休光村店市集養濟漏澤或以真民居或以便民事或

以養生而送死皆政事之不可已者若夫寺觀乃緇
衣黃冠相沿而建置之因援一統志例附於末識其
處而非崇其說也嗟夫亟則病民惰則廢事緩急張
弛是惟良長吏哉

城池

明初以前無考景泰四年知縣蔡澄創立土城周圍
五里三十步高三丈爲門者四南曰顧清北曰拱辰
東曰賓陽西曰望秋池深一丈廣倍之歲久圯正德
六年本府同知張宏因流賊之亂大加修濬嘉靖元

年知縣蔡翠增建樓於東門二十年知縣杜鏞撤縣
譙樓及東門樓於四門各建一樓南門增築甕城舊
鐘鼓在北城移鐘於西城樓移鼓於東城樓以警晨
昏二十九年知縣葛臣增修雉堞一千四百萬曆四
年知縣單濱增修雉堞而易以磚始塞顧清門

公署

縣治在城乾隅

創始無考明正統間簿何友能建今廢

屬署稅課局

在三壘侯廟西今廢

醫學

在申明亭西今廢

陰陽學

在城隍廟後今廢

僧會司

在普濟寺

道會司

在城隍廟原未降印

行署布政司

府館西久廢

按察司

縣治東今廢

府館

縣治西久廢

岔河公館

城西南八里小清河北岸

舖舍

總舖

城內街有縣前舖儒林舖十字街舖東門裏舖東門外舖北門外舖北極巷舖二郎巷舖西門

外舖各舖俱應縣差性儒林舖專應儒學差遣

三教堂舖

由東門至舖十里

姚家套舖

由三教堂至舖一里出境東達博興

程家庄舖

由西門至舖十里

魏家庄舖

由程家庄至舖一里又十里至田鎮出境

賀務舖

由北門至舖十五里

衛靈塚舖

由賀務至舖五里

界首舖

由衛靈塚至舖五里又十里至舊鎮出境北達蒲臺

橋梁

通濟橋

縣東南五里跨小清河

元至正十三年建有

岔河橋

縣西南七里兩橋相

對一跨小清一跨孝婦

創建享壽九十三孫希稷為善之報云

弘治間鄉耆張盤捐貲召相繼登進士第蓋亦

廕子橋

縣南五里跨小清河

明萬曆十八年道士趙

新橋

縣西關之南相連三座

廕子道故以名橋云



社稷壇

舊在北關外知縣

大綸移西關外一按賈

為堯時稷官立稼穡有功正歲春秋二仲月上戊日祭

石土官死配社而食棄氏死乃配稷而名為田

風雲雷雨山川壇

東關外一始祀雷

按周禮祀風師雨師唐

壇明洪武二年令有司

城南立壇專祀風雷雨師

六年以風雲雷雨山川為一壇後又合祭城隍歲春秋二仲月上巳日祭

城隍廟

縣治東南洪武二年

勅封監察司民顯佑

孫忠勒石彭連重修嘉

丁二年邑人孫能重修萬

曆清康熙十年知縣宋弼

修鄉老吉良棟楊春茂呂

土地祠

八蜡廟

按禮八蜡日先嗇

口司嗇日百種日坊日水

馬神廟

無考

邑厲壇

北關外今廢

三靈侯廟 祀孚靈侯唐宸宗丁文明威靈侯葛雍字文

度浹靈侯周武宗王文剛周之三諫官也宋

祥符元年建勅賜廟額威化元年大德己卯廟戶王王

等修戊戌縣尹和洽等修明正德壬申知縣張誠重

修萬曆間邑人趙鷺募緣重修 皇清康熙十年知

縣宋弼重修鄉老張紹漢羅顯正勸事

義勇武安王廟 邑人馮吉庶等建明萬曆二十七年

廣而大之 邑人參議張希 櫻倡義捐貲募緣改建

北極廟 北關邑人王珩等修 萬曆二十五年邑人王

鎬等募緣重修 聲捐俸重脩 皇清康熙十一年知縣

三義廟 東關邑人吳九儀建 聲捐俸重脩 皇清康熙十一年知縣

玉皇廟 東關北舊有土基名一靈異臺邑人吳瓊孫修

前做遠山浮翠亦勝槩也 皇清康熙十一年知縣

宋弼帥鄉老張煥文白天祀北極楊春茂張先明何子權

張正福楊春魁等重修

天齊廟 東關明萬曆四十一年建 皇清康熙八年

春祿張先明張正福何子叔何子敬楊春桂張煥文

鄭希騫等重修 西關北街邑壽官楊子東等建

二郎廟 北關二郎巷

梓潼廟 西關十字街

順德夫人廟 縣北十五里孟張務祀孝婦顏文姜宋

高節祠 縣西五里即墓前建祠祀魯仲連邑署正王

功德祠 知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

知縣齊鳴鳳建即崇正書院舊址祀本府知

府潘欽同知彭璪推官陳珪成爲治河功也

翰林高拱記後以新城夾河爭訟推官馮從聘直于
當道苑民德之奉木主入生祠知縣馮文盛有碑記
遺愛祠 祀知縣葛臣續祀知縣袁裕扁其門曰賢侯
遺愛



文明坊 文輦前知縣單濱建歲久圯萬曆己亥知縣
馮文盛重修

翰林坊 為學士閻盛立今廢

義民坊 東門裏為吳鏞立

義民坊 倉巷為馮友立今廢

拔萃坊 為舉人馮鏗立今廢

附鳳坊 為舉人王進立今廢

起鳳坊 為舉人趙琳立今廢

儀鳳坊 北門裏為舉人劉寧立

青雲步武坊 十字街東為舉人馮文奎立

世科坊 儒學門東為舉人步天衢進士步允遷立萬
曆癸巳知縣齊鳴鳳重修

光祿坊 西街為署正王士行立

恩榮坊 西街為 誥贈戶部廣東清吏司郎中張珩
立

兄弟聯芳坊 西街為嘉靖己未進士張希稷壬戌進
士張希召立

紫誥褒封坊 前街為 誥封戶部雲南清吏司郎中
張鯤立

清朝甲第坊 前街為隆慶戊辰進士張修吉立

貞節坊 北關北極廟東元為楊富妻崔氏立知縣郭

集市

東門街日敷教 九月集月凡三

南門街日振文 七月集月凡三今廢

西門街日振文 四月集月凡三

北門街日宣化 二日集月凡三

鄭家店 五日集月凡三

崔家巷 五十集月凡六

邵家店 三八集月凡六

田鎮 一六集月凡六

劉十乘曰古之日中為市所以貿有無廣交易也而名都上游高商大賈挾千金而坐市肆所為山珍海錯糞野之羊鄧林之楮諸凡奇異靡不畢集吾邑素稱僻陋滿日斤鹵產無長物以故商賈不通且上人力本者多逐末者少而月有數集不過蔬粟布疋陶器農具而已無論粵珠蜀錦且所未觀即時鮮果蔬

亦不槩見焉予輿論仁政曰關市譏而不征若吾邑者雖欲征將安所征乎

村店

城之東趙家庄

孫家庄

馬家庄

丁家庄

石槽店

單家庄

姚家套

鄭家店

城之西陳家庄

張家庄

王家庄

邵家庄

白家務

崔家巷

李家庄

田鎮

元泰定四年勅賜廣教寺禪屬新城有巡檢司

今改屬

城之南通濟橋

岔河

城之北劉家庄

蔡家庄

五里庄

位家庄

史家寨

娘娘廟

奎王庄

豆家庄

柴家店

仇家店

舊鎮

鄧一鳳曰古稱鷄鳴犬吠四境相聞此村居所從來矣自新人割我南鄆境上已蹙况天吳時復作孽半是逃亡之屋昔之繁盛不一存始取其大而布名者載之俾巡野問鄉者或與馮鴈之思

濟院

基址長十八步闊二十五步萬曆二年知縣肇濱修二十四年知縣馮文盛重修官廳一間住房二十餘間

漏澤園

每社地一區每區計地二畝俗呼為枯墳壇

附義塚

一在西關外計地八畝邑副使張修吉施一在東關外計地二畝邑教諭王策施一在城

西南角計地三畝八分呂光祖施一在通濟橋計地四畝董進先施灣頭一計地二畝李璨施田鎮一計地二畝崔東施姚家套一計地四畝黃皆施油榨庄一計地二畝崔士和施崔張店一計地二畝四公楊思順施

寺觀

附

普濟寺

縣治東北舊名永慶院元至元二年建

修邑廩磨生員白眉有碑記

三教堂寺

城東八里

高苑縣志

卷之二
太平寺 城東北十五里俗呼為李和尚院

玉皇堂寺

城北十五里

興福寺

城西北十五里俗呼為董家院

興國寺

城西北二十里崔家巷

廣教寺

縣西北三十里田鎮宋熙寧四年建大定四年勅賜廣教禪寺

金佛寺

城西十里張李庄

修真觀

城西二十里樊家林

希真觀

城東北元時建

妙果庵

縣治東南元大德五年建今改置西北

一卷終

高苑縣志卷之三

職官誌

封爵 官績

縣職

學職

雜職

叙曰虞廷命九官咨十二牧牧者養也以養民為職也然三代而上皆世卿士大夫此邑境所以有故封之墟也自秦併郡縣始有守令之名西漢傳循良載守不及今惟東京范史後僅一見之甚哉吏治之難而循吏之尤難也

國家置吏分采奠服小大相承雖崇卑不等而奉天父民其道無弗同矣顧舉一邑之職官首惟令長萬民

之休戚四境之安危咸於一身焉係之至於端風化
以教民爲職者學官也奉簿書以奔走爲職者佐史
也而雜職則各有司存耳嗚呼甘棠之思桐鄉之愛
與天壤俱敝此又後事之師也

封爵

殷武丁子封苑其後國氏焉

漢高苑侯丙倩

素隱曰縣名也屬千乘侯初起以合人從漢定三秦以中尉破項籍

六年封制侯文帝元年子簡侯得嗣十六年封武廟建元元年曾孫信嗣三年信坐出入屬車聞除

沈猶侯劉穉

素隱曰漢表在高苑楚元王子景帝元年封夷侯建元五年侯受嗣元符三年

受坐故爲宗正聽謁不具宗室不敬國

披陽侯劉燕

素隱曰志屬千乘齊孝王將閭第三子也武帝元朔四年封敬侯元鼎五年子

令侯嗣郡志作穆侯偃傳孫頊侯壽曾孫孝侯定元孫節侯闕六世孫億廣王莽時除

延鄉侯李譚

延鄉即會城元帝特封國

披陽侯歐陽歛

建武三年封歛八世傳書教授嘗千餘人覩寬亦其門下

晉濟川侯裴秀

晉書以高苑濟川墟爲侯國侯字季彥開喜人常道鄉公立以豫議定策

受封子濟嗣卒濟庶子憬不慧別封高陽亭侯

宋真宗祥符二年追封先賢漆雕徒父爲高苑侯

字

文魯人孔子弟子

縣職

縣有令自秦漢始唐制令一員其下有丞有簿有尉

舉以京朝官知縣事有兵戍則兼兵馬都監之職亦有丞簿尉元

制達魯花赤一員謂之監縣又有縣尹一員縣印達魯花赤收之尹封

署其亦有丞簿尉又設典史一員謂之首領官

明設知縣一員縣丞一員嘉靖三十八年丞裁主簿一員裁無

年月可攷典史一員

前代職官

崔琦 字子埠涿郡安平人濟北相瑗之宗也少遊

梁冀聞其才請與交冀行多不軌琦數引古今成敗

以戒之冀不能受乃作外戚箴白鵠賦以諷梁冀見

之問曰百官外內各有司存君何激刺之過乎琦對

曰昔管仲相齊樂聞譏諫之言蕭何佐漢乃設書過

之吏今將軍累世台輔任齊伊公而德政未聞黎元

塗炭不能結納貞良以救禍政復欲鉗塞士口杜蔽

主聽將使元黃改色虎易形乎冀無以對因除為

臨濟長解印綬去冀遂令刺客陰求殺之客見琦耕

於陌上懷書一卷息輒憊而誦之客哀其志以實告

琦曰將軍令吾嬰子今見君賢者情懷安忍可啞自

逃吾亦於此亡矣琦得脫走冀後竟捕殺之所著賦

頌銘誅箴弔論九谷七言凡十五篇一按安帝改程

梁顏衍 主簿有傳

唐李仁

縣令有傳

劉敬和

縣令有傳

李可舉

主簿太和元年平盧軍節度使康至睦上言故萊州刺史李廷遠當李師古節制東平之日廷遠為屬郡屢陳忠順以阻奸兇由是父子二人俱為師古所害其幼子可舉纔十歲逐在海上至今猶在臣已署軍職請兼授管內一官遂以淄州高苑縣主簿命之

宋李允中

守國子博士充宣化軍使兼理縣務見至和二年文廟碑

毛注

知縣有傳

黃炎

承議郎知縣事見宣和五年靈侯廟碑

胡永錫

朝奉郎監宣化軍鹽酒稅兼烟火盜賊見至和三年文廟碑

郭价

縣丞見宣和五年靈侯廟碑

呂漢卿

登仕郎守高苑縣主簿

王仲將

主簿

檀琮

添註主簿見宣和五年靈侯廟碑

楊克寬

縣尉見至和三年文廟碑

宿祥

縣尉

高通

縣令有傳

趙璘

縣令

崔就

仁金時任縣令歸元朝改授簿

烏古論

主簿

俱屯

縣尉見承安二年謝恩碑

元咬住不花

泊驢

見大德四年靈侯聖像碑

買住

忽都不花

以上俱達魯花赤

徐福亮

楊秀

和洽

見大德四年靈侯聖像碑

葛讓

有傳

劉震

楊溫

有傳

楊文

呂慤 字子誠古汴廩延人

劉世英

張貴 有傳以上俱縣尹

趙文忠

見至元三年文廟碑
朱珪 見至元十六年順德祠碑

張雲翼

見大德二年宣聖位榮 見大德四年三靈侯殿像記

榮祖

見至正二十四年文廟碑以上俱簿
楊汝梅

莊復禮

聶筠 見妙果庵碑

賈溫

劉震 見周急題名記

耿天澤

見至元二年封大成碑以上俱尉

明知縣

孫忠

洪武二年任見城隍廟碑
徐安道 二十三年任見明倫堂鐘

張翼

宣德年任沔池人監生

蔡澄

景泰三年任嘉魚人舉人
馬能 景泰年任青縣人監生

陳貢

天順年任陽江人監生
葛寧 天順年任深水人舉人

沈英

成化年任泗州人舉人
萬鑑 大興人舉人

趙英

成化年任修武人舉人
張文保 易州人舉人

彭璉

有傳

丁友賢

弘治年任無錫人舉人
李亨 大同人舉人

徐海

有傳

李銳

陽城人監生

程恭 保定人監生

顧標 正德年任有傳

張誠 寧津人監生

郭欽 河間衛人監生

馮興 西平人舉人

蔡翠 固始人舉人十五年任

吳鯨 保定中衛人進士嘉靖四年任

梁輔 南通州人監生 嘉睿 稷山人舉人

鄒鑛 霍丘人監生十一年任 杜鏞 有傳

傅汝舟 西安衛人舉人二十三年任 葛臣 有傳

姚汝稷 襄城人舉人三十三年任 羅沛 雩都人貢七三十六年任

劉光啓 臨汾人舉人三十三年任 李時芬 安州人舉人三十九年任 陞大同判

鄒學書 咸寧人舉人四十二年任 阮琳 三義樂人舉人四十五年任 陞瓊州府通判

袁穡 有傳 隆慶年任

單濱 固原人舉人萬曆二年任 陞桂陽知州 張大繪 定州人舉人八年任

翟文允 錦衣衛籍舉人十一年任 康廷珍 詳符人舉人十四年任

李鐸 遷安人貢士十六年任 齊鳴鳳 昌黎人貢士十七年任 陞自在知州

馮文盛 新昌人舉人二十三年任 陞南京大理寺評事

皇清

蘇芳 遼陽人拔貢元年任 武振華 曲陽人歲貢二年任

張元杰

大同人副榜四年

高天爵

遼陽人滿洲功貢五年任

劉以勝

遼陽人滿洲功貢九年任

趙守紀

完縣人舉人十年任

魏體義

葭州人拔貢十三

俞之璉

仁和人吏員三年

宋

炳

江南華亭人拔貢陸年任

縣丞

王公懋

有傳洪武年任

張顯

見城隍廟碑

司綸

延津人監生天順年

丁志

宿遷人監生

周暹

孝感人監生成化年

施成

永康人監生

李琮

樂亭人監生

何慶

羅山人監生

李澄

靜海人監生弘治年

段民

碭山人監生

查永賢

建德人監生

趙雄

鄆州人監生正德年

石演

五臺人監生

陳鏞

香河人監生

趙昂

香河人監生

焦鸞

萬全都司人監生

張鏜

延安衛人監生嘉靖

趙聚

黎城人監生

李相

定州人監生陞河曲

胡綸

懷寧人吏員

張珣

臨汾人吏員二十六

劉貴

刑臺人吏員

李廷祿

山陰人監生

石磊

肥鄉人監生三十八年任裁丞自此始

主簿

黃仕見城隍廟碑洪武年任 王文禮

李源二十三年任見明倫堂鐘

莊敬邳州人貢士宣德卒任 郝翔贊皇人貢士

何友能正統年任

馬祺華縣人監生成化年任 安盤有傳成化年任

李景富平人監生成化年任 胡宣星子人監生

劉恭保安人弘治年任 陳浩桐廬人

李錦盤屋人

聿徵定興人正德年任

張忠清苑縣人監生

王永秀邢臺人監生

賈鵬陽曲人

王廷時清源人監生

謝君卿灤州人監生嘉靖年任 葛來清永清人監生

劉佐宣府人監生 張尊景州人監生

董濟寶豐人吏員 谷彥器尉氏人監生二十二年任

李守時廣靈人監生二十九年任 齊宗道昌黎人監生三十四年任

孫可託魏縣人監生二十七年任 李興祖聞喜人監生四十二年任

覃璉交城人監生隆慶元年任 梁國用沙河人三二年任

魏銀繁峙人監生五年 石建石埠人監生

趙鎮朔州人監生六年

趙晉臣廣昌人監生萬曆 應經錦衣衛人監生四年

劉致和翼城人監生八年 廉進道新安人吏員十年

翟瓚灤縣人吏員十六 焦煥南宮人監生十七年

王惟睿劔州人監生二十

典史

王浩然見城隍廟碑洪武 胡勝見明倫堂鐘

張榮靜海人景泰年任

陳俊涑水人監生成化 王政儀州人

丘通 李英高陽人

李瑤桂陽人弘治年任

張鑛景州人正德年任 趙剛完縣人

張雲遵化人

張銳懷柔人嘉靖年任 顧汝奇福州人

任鍾秀直隸人 李元亳州人

李江臨淮人陞沔陽州 楊愷黃巖人

宋機任丘人 安士仁河間人

朱珀 內黃人

張璞 和州人

施宗誠 青陽人

鄭馨

陳月積 錦衣衛人

胡標 和州人隆慶年任 孫孟亨 懷遠人

秦宗昌 獻縣人隆慶六年任

童相 淮安人萬曆五年任 張宗暉 臨桂人萬曆十年任

黎桂 融縣人十五年任 喻希僎 定遠人十八年任

吳美 高淳人二十二年任 王季曲 福清人二十五年任

清興史

順治 趙綿 孝義人吏員元年任 祝永壽 石楮人吏員二年任

陳五美 山陰人吏員十二年任 沈澄光 上虞人吏員十六年任

康熙 劉聲翔 大典人吏員元年任 楊世勲 大典人吏員九年任

學職

宋制縣無學官而令佐皆得兼之故以管勾學事繁

銜景定三年始置主學一員咸淳元年轉運提學行

下選請學正學錄直學各一員學諭四員長諭八員

小學教諭一員元初設教諭二員大德四年止設教

諭一員選請訓導一員

明設教諭一員訓導二員嘉靖三十八年裁訓導一員

教諭

元趙英 大德年任 王鄰 大德年任見文廟碑

蘇敏道 大德五年任 王彥輔 至大二年任

明

趙述 見城隍廟碑洪武年 李士英 見明倫堂鐘

梁海 河間人舉人宣德年任

李嗣昌 正統年任

李文昭 武陽人舉人景泰年任 李璠 餘姚人貢士

程濟 蘭陽人舉人天順年任

沈澤 山陰人貢士成化年任 王貢 靈璧人貢士

郭城 宛平人貢士弘治年任 杜祥 廬龍衛人陞三萬衛教授

張翔 固原衛人貢士正德年任 陳繼宗 武宣人舉人陞府教授

王化 有傳嘉靖年任 許廷鸞 錢塘人貢士

陳惟賢 崇仁人舉人陞鍾祥知縣 程玘 歙縣人貢士

歐陽備 蕭山人貢士 馬驥 陝州人貢士

宋鋁 永年人貢士 張璣 定興人貢士

戴愈達 貴州人舉人二十六年任 鄭良鉞 貢士三十九年任

劇度 藁城人貢士四十二年任 周易 有傳

唐維翰 貴州人舉人隆慶二年任 漢陽推官 彭剛 宜陽人貢士二十三年任

王大道 邢臺人貢士萬曆元年任 趙世臣 壽張人貢士十六年任

張衆善 陽曲人舉人對文登知縣 李四維 有傳

劉泮 即墨人貢士八年任 樊北 貴溪人貢士十二年任

蕭鳴鸞 膠州人貢士十四年任 張天宿 懷遠人貢士十六年任

王本端 黃縣人貢士十九年任 張張 濱州人貢士二十三年任

曹全 齊河人貢士二十三年任 陞涿州學正

訓導

仇經 詳人物志洪武年任

張嘉善 吉水人儒士景泰年任

趙經 垣曲人貢士天順年任 勇勉 霸州人貢士

武靖 鄆縣人貢士成化年任 朱清 臨海人貢士

毛仍 江山人貢士 汪宏

安仁 代州人陞府教授 孔公易 有傳

李堪 高郵人貢士弘治年任 徐諒 上饒人貢士陞昌邑教諭

馬良 葭州人貢士陞教諭 龐簡 河南人貢士

賈祐 薊州人貢士陞教諭

俞熊 永平衛人貢士嘉靖王鏡 太康人貢士陞教諭

李臣 獲嘉人貢士陞教諭 王一翔 安肅人貢士陞教諭

梁元 大名人貢士 徐智 江清人貢士

屈直 有傳 白策 永年人陞教諭

許崑 鹿邑人貢士任三年 張澤 真定人貢士

朱玠 柳州人貢士 陳賓 桐城人貢士

嚴璟 昌化人貢士 楊縉 鄆縣人貢士陞德平教諭

高銳 聞喜人貢士 劉汲 南和人貢士

崔守仁 滄州人貢士 牛亢 長治人貢士陞膚施教諭

魯邦彥 陝西人貢士陞天津衛教授 楊法 江都人四十年任裁訓自此始

陳鳳 曲周人貢士四十三

王化 應州人貢士陞慶二年任 王采 清河人貢士三年任

王墀 歷城人貢士六年任

王近光 臨晉人萬曆五年任 張應雷 淮安人貢士七年任陞諸暨論

支三顧 崑山人貢士十二年任 劉珍 濟寧人貢士十八年任

石廩 齊河人貢士十九年任 孔貞棟 孔子六十三代孫任陞范縣論二十五年任

皇清

順治 王季銓 霸州人歲貢元年任 王賓賢 費縣人歲貢二年任

劉文燦 教諭卽墨人歲貢五年任 朱鉉 東阿人歲貢七年任

袁州佐 教諭濟寧人舉人十年任 李芳暹 高唐人歲貢十年任

馬遷 教諭棲霞人舉人十二年任 王克生 教諭掖縣人舉人十七年任

朱徵庸 陽穀人歲貢四年任 燕效先 臨邑人歲貢六年任

羅國俊 掖縣人歲貢十年任

雜職

元醫學教諭劉源

商山鐵冶提舉司管勾周宗禮

稅務副使孫昌

鹽局官 陳演 孟祥 劉濟 呂佺 劉成

李祐 成在 謝成 李嵩 俱見宣聖廟碑

明稅課局大使 楊端

醫學訓科一員 李思直

陰陽訓術一員 趙禮 趙貫 禮子 崔純 張思本 俱本

縣人

僧會司僧會一員

道會司道會一員

官績

梁顏衍 字祖德曲阜人顏子四十五代孫少苦學治
再詔臨濟多淫祠有針姑廟者里人奉之尤篤衍至
即焚其廟

唐李仁 字成已滄州東光人任淄州高苑縣令公魚
為訪績開建賢宮誘進生徒德政碑在縣治內

劉敬和 嘗為淄川長山鄒平令皆有聲後遷高苑值
歲饑開倉賑民民歌曰高苑之樹枯已榮

川之水渾已澄長白之山草已青鄒平之民什已行
述其德政樹碑于縣治

宋毛注 西安人舉進士徽宗時知高苑縣以治辦稱
御史中丞吳執中薦為御史比抗于六章政
蔡京會星變請謫京於外已而退舍遷諫議大夫

金高通 皇統九年為高苑令時小清河運鹽行縣比
地窪水溢大為民患通改山縣南長沙溝

壘土為堤捍城迄今民懷其惠

元葛讓 字敬甫至大初為高苑令歲大饑首捐俸以
千數為衆勸更多方移請設法賑餉民賴全活者

楊溫 為高苑令至大間大設倡義與監縣公買住主
簿楊汝梅議率公吏人等首捐俸米以為衆勸
全活者數千人士論偉之

張貴 高苑人有膽略膂力過人以才俊擢本縣令適
元末毛貴竊據山東群盜擁衆剽掠所過無遺
邑無城盜起輒入貴奮不顧身以大義激鄉兵挑決
壕塹創立營堡內安家衆外拒叛逆發粟賑饑百姓
賴以全活

明彭璉 饒陽人舉人成化二十年知縣公敏廉恪廣
儲節用歷任九年終始一節當官民畏去任

徐海

常山人進士弘治十一年知縣廉介克濟執法

顧標

莆田人進士正德元年知縣廉比趙清獻嚴比

杜鏞

襄陵人舉人嘉靖十七年知縣持身清儉為政

州

葛臣

固始人舉人嘉靖二十六年知縣創修邑乘時

袁稔

懷遠人貢士隆慶二年知縣一塵不染三尺無

霖輒應嘗扁賓示堂書芥一株以自警陞東昌府通

判

王公懋

洪武初縣丞有強賊數十人入城劫掠民不

左耳不為動擊殺二人餘皆擒之事

安盤

武邑人監生成化五年上簿立心公直臨事果

王化

蕭縣人貢士嘉靖間教諭課文有藻鑑待上篤

周易

句容人舉人嘉靖間教諭崇禮教卻餽遺下車

孔公易

衢州人貢士成化間訓導學問有餘師範無

屈直

裕州人貢士嘉靖間訓導通五經尤長於易俸

給多頌貧士蕭然兀坐一臺課士不問寒暑以

制歸弟子感教無斁

李四維扶溝人舉人崆峒先生孫也馬曆五年任教
諭講學課士寒暑不輟卻貧生之餽又擇士
之優者約爲文會後張燭王道平相繼登科四維作
養之功居多人猶至今思之陞德平知縣

高堯縣志卷之三

高苑縣誌卷之四

學校誌

學制 祭器 鄉射
學田 社學 書院

叙曰古之教者家有塾黨有庠州有序國有學中國授室言必及義所以治隆于上俗美于下故僖公修泮復闕詩人稱之漢唐以來學宮之制師儒之設具在史冊班班可考也

國家稽古右文以弘作人之化雖海澨山陬靡不建學立師况齊魯斯文之奧區其文學固天性哉苑邑學宮創始莫可窮詰所可考者宋宣化軍重修文廟碑

記耳碑陰鐫云大宋元祐七年遷建於新廟門之左
蓋今地也自宋歷金元明以及

今日莫之或改矣不知舊宮湮沒爲市廛乎抑在荆棘
中耶夫子謂子夏曰女爲君子儒毋爲小人儒游於
學宮者尙其三復于斯

學制

儒學在按察司東宋至和三年宣化軍使李允中重
修元達魯花赤咬住不花縣尹呂懋重修元末圯
明洪武初知縣孫忠創修成化以後簿何友能知縣

徐海彭璉吳鯨葛臣相繼修其制中爲

先師殿東西列兩廡歲久圯廡之南爲禮門左爲名宦

祠祀唐令李仁劉敬和宋令毛衢金令高通元尹右

爲鄉賢祠祀周高士魯仲連齊王固橫漢博士牟其

隱士禮門外有泮池跨以磚橋又外爲櫺星門門之

左爲儒學門門內東爲啓聖祠祠後爲敬一亭殿之

北爲明倫堂臥碑在堂之左題名碑在堂之右東壁

暨科甲題名碑西壁暨歲貢題名碑堂之南暨指南

碑王文翰書嘉靖己酉知縣葛臣修萬曆丁酉知縣

馮文盛撤而新之訓導孔貞棟有記

堂東齋日時習西齋日日新堂後爲教諭宅西爲訓導宅祭器庫養賢倉俱在西齋南今廢宰牲所在鄉賢祠之西

祭器

正殿供棹共七張

兩廡供棹共十四張

鐵香爐四箇今存三

銅爵一百五十件

磁祭器七百四十件今俱廢

方鐵香爐五件

圓鐵香爐三件

磁酒罇四件

紅燭臺四十枝

高照燈 對

木豆二百件

鄉射

鄉飲酒禮

每歲正月望日十月朔日于明倫堂舉行

射禮

射圃在啓聖祠東長四十一步闊二十步計地

三畝四分有零昔因浸沒爲民居萬曆二十七年知縣馬文盛始追出還官

學田

舊無田明萬曆二十七年本學訓導孔貞棟捐俸置

買民田一區

坐落張李庄社計地一十一畝五分四釐

本學廩膳生員邵一鳳捐祖業田一區

坐落張李庄社計地一十

一 畝整

本學附學生員張居蒙捐祖業田一區坐落宣化坊社計地一十

本縣舉人王道平捐祖業田二區

一區坐落新李庄社計地一十六畝

五分一區坐落宣化坊社計地三畝五分

社學

明洪武八年奉禮部及御史臺劄付每五十家設社學一所請秀才教訓軍民子弟嘉靖二十九年知縣葛臣創建六所

一書院一靈異臺一西關一鄭家店一崔張店一田鎮今廢

書院

名崇正嘉靖二十九年知縣葛臣建今功德祠即其舊址也

高苑縣誌卷之五

選舉誌

辟薦

甲科

鄉科

歲貢

武弁

封廕

例貢

吏掾

叙曰書稱立賢無方蓋非賢無以為國而以方類拘
恐不免有遺賢之嘆也三代以還登庸之途大槩可
指數焉彼夢卜後載者尙矣里選鄉舉周官之成法
具在也漢興去古未遠以孝廉賢良明經諸科取士
而無制科制科自隋始我

皇清損益舊章博搜俊乂用存科貢達官材士率由此
途起家芳聲不續後先輝映猗歟休哉至於戴鵬之

夫于城是倚雖文武殊途而效用之具則均也若夫
馳封世賞

鴻典俱存例貢吏掾寸長不棄凡係邑產者俱表而出
之使奕世而下不泯先哲之芳躅云

辟薦

漢牟萇 字君高其先封牟春秋之末國滅因氏焉少
習歐陽尚書不仕王莽建武二年大司空宋
弘辟拜博士遷河內太守坐墾田不實免萇自爲博
士及在河內諸生講學者常千餘人著尚書章句皆
本之歐陽氏號爲牟氏章句

元孫可特

少英敏聰慧新城令鄭公奇之薦於上國
累官朝列大夫封樂安郡伯

郝源

歷任河北燕南左僉都御史激揚中外有古御
史風

李志和

由人材累官朝列大夫封臨淄侯

傅弘

吳李社人至元間以人材舉任御史

明仇經

洪武二十四年本縣簿王文禮薦于 朝授
本縣訓導陞開封太原府知府以廉能選河

南道御史未樂初以言事謫常山縣知縣愷弟愛民
任九載卒

甲科

閻盛

登乙丑榜探花及第侍講學士洪武年間

高中

登甲申榜許州訓導選給事中遷瑞州府知府
永樂年間

馬應祥

登丙辰榜提學副使弘治年間

步允遷

登戊戌榜戶部郎中嘉靖年間

張希穆

登己未榜授錢塘知縣調鄆陵有生祠邑主事梁策記陞大理評事寺副山西按察司僉事布政使司參議

張希召

登壬戌榜授戶部主事陞員外郎郎中陝西按察司副使起復浙江按察司副使陝西行

太僕寺卿

張修吉

登戊辰榜授濟源知縣有去思碑御史孟縣劉思問記陞戶部主事員外郎郎中太原平陽二府知府河南潁州道兵備副使調山西陽和道兵備副使食三品俸

王道平

登辛丑榜昌黎知縣萬曆年間

鄉科

宋穆漸

金初紳

樊知方

王得臣

元解禱

孫固立

明闔盛

寒頭社人登甲子榜見進士洪武

雷澤

新李社人登丁卯榜吏科給事中

封直

宣化社人登癸酉榜江都訓導御史

王珂

登己卯榜由府學生

高中

寒頭社人見進士永樂年間

田寬

曹家社人登乙酉榜寧晉知縣

何源

宣化社人登戊子榜武昌知縣

韓燠

灣頭社人登丁酉榜永平府同知

楊春

譚郭社人登丁酉榜安化知縣

李幹

張李社人登丁酉榜

王剛官庄社人登壬子子榜
張恕新李社人登壬子子榜

姚家社人登壬子子榜
張澤嘉魚訓

李記官庄社人登甲子子榜
海寧訓正統年

韓輓燠孫登壬午榜房山
知縣天順年

馮徵敷教社人登乙酉榜
劉寧登戊子榜見人物志

王進丁家社人登辛卯榜
石州訓大本堂伴讀

趙輅毛家社人登雲南庚子榜
南京國子監學正

趙琳毛家社人登癸卯榜
蘭陽訓

馬應祥新李社人軍生登乙卯榜
見進士弘治年
王儀鳳新李社人登甲子榜
陝州知州

馮文奎微子登庚午榜
正德年
何鳴講源孫登庚午榜
見人物

步天衢衛靈社人登戊子步允遷
天衢子登丁酉順天榜
嘉靖年

曹惟新敷教社人軍生登陝西乙酉榜
戶部郎中

張希稷新李社人登巳酉張希召
見進士
希稷弟登壬子子榜

張修吉希稷族孫登丁卯榜
見進士隆慶年

王道平士尚子登壬午榜
張燭希稷子登甲午榜
辛丑進士萬曆年

王道泰士尚子道平弟登楊大士
子東會孫巳卯副榜
癸酉榜崇禎年

皇清

康熙張炅登巳酉榜

明王惟恭

敷教社人知縣洪武年

馬能

吏部文選司郎中

楊辛

見人物

劉縕

趙時社人保定府同知

高銘

中子瑞州府知事永樂年

仇一豪

經子

孟亨

寨頭社人開封府知府宣德年

鄭珪

知縣

許敬

寨頭社人淮安府知府

李煥章

衛靈社人蘇州府通判

趙經

羽林衛經歷正統年

李本

唐王社人江西理問

王章

丁家社人初縣知縣景泰年

何彥

宣化社人遼州同知

高昇

孝婦社人渭南知縣

劉勤

丁家社人輝縣諭

盧玘

姚家社人代州同知

王濫

丁家社人定興丞天順年

王敏

田鎮社人

張紳

馮寧

丹陽典史

崔敞

楊暉

春子太康丞成化年

何政

彥弟河間丞

單元

寨頭社人松江府判

馮亨

敷教社人伊府教授

馬駢

敷教社人寧國縣丞

王祐

敷教社人滁州判

吳亮

敷教社人考城教訓

王紀

宣化社人建寧府經歷

崔達

敷教社人興濟訓

王鑑

官莊社人靜海簿

于霖 十里務社人直隸新城簿 王福 敷教社人壽陽縣訓

王勛 新李社人蘭陽知縣弘治年 趙璞 十里務社人洋縣丞

李簡 曹家社人 許飛 敷教社人元城訓

張文通 孝婦社人天津衛教授 李昱 本子太原府經歷

王純 勛弟 劉璋 縉孫衡水縣訓

馬彪 寧姪大城訓

程鳳 衛靈社人霍丘縣簿正德年 楊政 敷教社人盧氏縣訓

傅彌 涇府教授 劉永昌 璋孫成都府教授

單琦 元子保定訓 王謙 敷教社人平谷知縣

崔雲 譚郭社人 張天祐 新李社人

何棟 宣化社人灤州訓 崔漢傑 宣化社人蘇州府經歷

馬承先 鑿子丹陽縣諭 王雲漢 敷教社人

韓九霄 輓子嘉靖年間 楊瑀 暉子

朱邦相 宣化社人岐山簿 劉繼芳 寧姪井陘縣訓

張天禎 天祐弟瑞州府校 李宗仁 宣化社人博野縣簿

田世安 寬孫贛榆縣簿 吳慶麒 敷教社人安州訓

劉存仁 宣化社人臨漳丞 許君寵 飛子

何飛 棟姪繁峙縣諭 朱彥昇 敷教社人

何鴻漸

鳴講子濟府紀善

楊棟

敷教社人贊皇諭

何鳴岐

棟姪臨城縣諭

馮思忠

守仁子平谷知縣

王光裕

新李社人河津知縣

何三重

棟姪淮安府訓

馬應明

承先子慶陽府通判

何鳴時

鳴岐弟薊州訓

朱九臯

邦相姪唐縣諭

鄭宗孝

崔留社人無極訓

石瑤

衛靈社人平陸諭

蕭鯨

敷教社人龍德縣諭

王光啓

光裕弟鎮平縣訓

石滋

瑤弟商河縣諭

張嘉謨

天禎子虞城縣訓

李梅

唐王社人濟南府訓

蔡恒

宣化社人魁縣訓

楊子南

諱郭社人平定州同知

劉遵道

寧姪孫禹州訓

孫永壽

宣化社人萊蕪縣訓

何三知

三重弟代州訓

王宗舜

謙孫招遠縣訓

邵南

張李社人霍丘縣簿

崔瑤

宣化社人耀州學正

王策

敷教社人金鄉縣諭

劉維城

遵道子平陸縣簿

張儀禮

宣化社人蓬萊訓

何

宣化社人彰德府訓

王東周

敷教社人淮安府訓

崔

諱郭社人

何師顏

宣化社人長山縣訓

郭如崧

選貢大同府通判封承德郎

趙斌

敷教社人

王策

策弟

張克慎

希稷族孫

何聯祥

嶧縣訓導崇禎年

崔宇軫

譚郭庄人任陝西寧夏衛慶府左長史

鄒鴻儒歲貢孟士丞陞

皇清

順治張先覺

元年恩貢任新樂縣知縣

劉吉

元年歲貢歷任順德府推官臨洮府通判

耿奎章

三年貢生任青縣訓導

張紹齡

三年恩貢歷任大名府通判理藩院院判刑部員外郎中西安府知府

蔡繼謨

五年歲貢歷任費縣訓導陽穀縣教諭

吳養心

七年歲貢歷任高唐州訓導泰安州學正

孫宜昌

八年恩貢任梓潼縣知縣

蔡姬胤

八年歲貢歷任萊州府訓導海豐縣教諭

李華芳

十年貢生未仕

耿室章

十一年拔貢未仕

吳來復

十二年拔貢未仕

周室新

十四年歲貢未仕

孟适

十六年歲貢未仕

楊名士

十八年恩貢未仕

張仔界

十八年歲貢

康熙邵安國

七年例貢未仕

蔡魏珍

八年歲貢

王令申

十年歲貢未仕

邵毓祥

十一年拔貢

武弁

金李溫

大安中以功授敦武校尉感激効忠竟没于事

元董進

初應勇士募立戰功遷武義將軍金季大亂

州進爲之用掃除畧定授懷遠大將軍元帥左監軍分治本縣令兼領鄒平事幾二十年

崔楫

喬顯

宣武將軍管軍千戶

李懋

洞兵千戶

明田世德

曹家社人隆山百戶

孫漢

田鎮社人錦衣衛千戶

孫楷

漢子嘉靖庚戌科武進士

張煖

希稷子青州左衛指揮僉事

潘思見

敷教社人大漢將軍

孫楠

千戶

皇清

順治郭應經

甲午武舉任太倉衛千總以兩運完漕加署守備

康熙何公玠

巴西武舉未仕

金董義

以曾孫進貴贈進義校尉

董仙

以孫進貴贈宜武將軍

董世榮

以子進貴贈懷遠大將軍

元孫輔

以子可持貴追封樂安郡伯

胡山

以孫胡哈喇貴贈中順大夫歸德知府上騎都尉封安定郡伯

胡岳

以子胡哈喇貴贈亞中大夫同知山東宣尉司事輕車都尉封安定郡侯

田津

以子守信貴封承務郎同知博興州事贈奉訓大夫益都路濰州知州飛騎尉高苑縣子妻恭人李氏贈高苑縣君

孫先

可持子以廕授益都路司獄

明何瑄

以子浩貴贈南城兵馬指揮妻王氏劉氏俱贈孺人

劉旺

以子寧貴封廣平府通判妻李氏封安人

王九齡 以子士行貴贈大官署署丞妻孫氏贈孺人

張珩 以子希召貴贈戶部廣東清吏司郎中妻崔氏

張鯤 以子修吉貴累封奉政大夫戶部雲南清吏司郎中妻傅氏累封宜人

皇清張願學 以子紹齡貴封奉直大夫理藩院院判

例貢

明李侃 見人物正統年

王廉 敷教社人宿松典史 孟宗 敷教社人溧陽典史

張毅 孝婦社人桐城典史 石良 衛靈社人鹿邑簿

何浩 宣化社人北京南城兵馬指揮

張錦 新李社人玉田縣丞 張銘 錦弟

石玉祥 良子寧鄉知縣 張琦 錦弟西鄉知縣

劉安 丁家社人 馮守仁 見人物

何潤 宣化社人芮城簿

朱禾 敷教社人河間簿正 單琮 寨頭社人

張瑱 琦弟孝義縣簿 石玉祚 良子

馮守信 敷教社人 張世祿 錦姪垣州丞

王鳴鳳 儀鳳弟 張天憲 錦姪太原丞

李思忠 灣頭社人定遠簿 單魁 琮子

李栢齡 唐王社人崇善知縣

王九臯 儀鳳族弟嘉靖年單學詩魁子

李思道 思忠弟 王士行 九齡子光祿寺署正

王士尙 士行弟鴻臚寺序班 李珩 思道姪灤州吏目

張燧 希召子鴻臚寺序班 馮權 思忠子

王擢 新李社人

史家附

元胡哈喇 中書省室使擢知印都堂選承務郎歷官農事 亞中 大夫東昌路總管諸軍奧魯管勾勸

田守信 從事掾曹累官中順大夫漕運副使追贈鴈門郡伯

李實 摯史歷官鹽使

明王琰 常山典史 王埜 陳村巡檢 吳漢 望亭巡檢

李豹 楊村巡檢 吳東山 米脂典史 楊韶 巡檢

郭騰雲 王建 巡檢 英傑 汝寧府知事

王鸞 朱孝 田玩 餉馬關驛丞

孫環 批驗所大使 傅九敘 巡檢 李傑 巡檢

張仲文 看大使 李堂 華池驛丞 劉保

劉蘭 劉質 華亭典史 王希儒 寧津典史

匙文學贊皇典史 閻璟黃陂巡檢 王彥明九江口巡檢

李準保定府倉官 蔡伸楊州府倉官 顏福龍潭巡檢

蔡林倉官 崔瑀會稽驛丞 張守祖房山典史

張璞大使 張廷錫 史洪巡檢

閻松文安典史 黃通大使 張機鳳翔典史

崔臣壽陽典史 李思義守禦所吏目 李思茂杭州府照磨

李思問太白驛丞 李思孝 李思紹

田余岢嵐州大使 周玘蘆鎮關巡檢 王翥巡檢

郭湧大使 郭朝用倉官 陳嵩巡檢

蘇玉龍游簿 劉郁朝天嶺巡檢 張文達大使

耿甫棗強典史 董甫驛丞 王佐倉官

董堂倉官 胡國用苑馬寺圍長 田宗福倉官

王汝賢商城丞 邵東周長葛典史 張偉

陳錫 石邦鎮 石子榮巡檢

張仲能巡檢 張繼祖莊浪典史 張守行周府庫官

崔南驛丞 徐守祖巡檢 張文采湯陰典史

何東巡檢 張廷紘巡檢 劉杲驛丞

魏九常倉官 李渠倉官 鄭宗文兩淮運司庫官

袁尙質

曲志仁

程朝輔 驛丞

張宦 六安州吏目

高雲龍

劉子章 京倉大使

張廷銓

王芝

鳴謙驛丞

張汝宗

北直新城

劉士科

邵莊驛丞

何擢

寧晉巡檢

崔宇翼

譚郭庄社人 河津縣 典史 天啓七年任

高魁科

田鎮社人 承旨衛鎮 崇禎六年任

高苑縣誌卷之五

高苑縣誌卷之六

人物誌

名賢

孝義

貞節

隱逸

敘曰齊自太公立國尊賢尙功代有聞人兩漢而下
儒術吏治竒節卓行炳耀史冊抑何盛哉苑雖齊之
下邑乎實居海岱之中山川毓秀豈乏卓犖之夫冠
冕人流垂聲鐘鼎者何古史郡乘寥寥不多見耶子
嘗考地圖漢千乘郡之縣十五而苑憲其一當時雖
有人物輩出想詳於郡而畧於縣况壞於永嘉靖康
之禍重以李壇父子之亂圖籍散佚以故湮沒而無

聞卽春秋高士如魯仲連者槩以齊人紀之他可知矣此吾夫子有文獻不足之嘆也嗟夫望崑山者思羨玉趨鄧林者思材木入其地當知其入謹標鄉之名賢於首而次孝義次貞烈終以隱逸此高山仰止意也

名賢

周宛茂 齊大夫頃公與晉郤克戰于鞏逢丑父見齊師敗績使公下車如華泉取飲故韓厥得丑父而獻之時茂爲副車之右載頃公以免公復三出三人以求丑父每出齊師以師退入于狄卒狄卒皆執步梯片之入于衛師衛師免之遂自徐關入

苑何忌

齊大夫魯昭二十年齊景公使公孫青聘於衛青執鐸與燎扞外衛衛鑿公告寧於齊且

言青之有禮齊景公徧以酒賜大夫曰二三子之教苑何忌辭曰與於青之賞必及于其罰魯昭二十二年宋有華亥向寧之亂何忌乃從晉衛曹諸大夫之類鳴在下苑何忌取其耳頰鳴去之苑子之御曰禱下顧苑子禱沐雍斷其足蓋而乘于他車以歸苑羊牧之 菖大夫齊師伐菖菖子將戰牧之諫曰齊菖子弗聽齊師于壽餘齊侯伐菖菖子行成盟于稷門之外菖人于是大惡其君

春秋魯仲連

好竒倅俠儻之畫策而不肯仕官仕職游于趙會秦圍趙急魏王使新垣衍開

入邯鄲因平原君見趙王欲令尊秦爲帝仲連極言帝秦之害秦索開之却軍五十里適魏公子無忌救趙秦軍遂引去平原君欲封仲連辭讓使者三終不肯受平原君乃置酒酒酣起前以千金爲壽仲連笑

曰所謂貴于天下之士者為人排難釋患解紛亂而無取也卽有取者是商賈之事也而連不忍爲也遂辭去終身不復見赧王二十六年田單將攻狄往見仲連仲連曰將軍攻狄不能下也單曰臣以破亡餘卒敗萬乘之燕復齊墟攻狄不下何也上車弗謝而士攻之三月不克單懼乃問仲連仲連曰將軍之在即墨也坐織立荷爲士卒倡將軍有死之心士卒無生之氣所以破燕也今將軍東有夜邑之奉西有淄上之娛黃金橫帶而騁乎淄澠之間有生之樂無死之心所以不勝也單曰單有心先生志之矣明日乃厲氣徇城狄人乃下東周君六年燕將守聊城齊田單攻之歲餘不下仲連乃爲書約之矢以射城中燕將見書泣三日自殺田單遂屠聊城歸而言仲連欲爵之仲連逃隱于海上曰吾與富貴而詘于人寧貧賤而輕世肆志焉所著有仲連子五卷墓在邑城西

戰國田橫

狄人也故齊王榮弟陳涉之初起也榮兄田橫殺狄令自王率兵畧定齊也及章邯

破齊殺儋榮自立爲齊王後項羽破齊殺榮橫收散兵數萬復收齊城邑立榮子廣爲王而信之三年漢將韓信虜橫自立爲齊主漢高帝旣定天下橫與其徒屬五百餘人入海居島中高帝聞而召之橫與其一二客乘傳詣雒陽未至三十里謂其二客曰始吾與漢王俱南面稱孤今漢王爲天子而橫乃爲亡虜而北面事之其恥固已甚矣且吾烹人之兄今與其弟並肩而事主獨不懼于心乎遂自刎客奉其頭從使者馳奉之高帝爲之流涕以王者禮葬橫旣葬之二客穿其冢旁孔皆自刎下從之高帝大驚以爲橫之客皆賢者餘五百人尙在海中使使召之至則聞橫死皆自殺一故居遺址在田鎮

東漢牟萇

見辟薦

元張貴

有膽略膂力過人以身才俊擢本縣令元末毛貴竊據山東群盜剽掠所過無遺縣舊無城

池盜至貴奮不顧身且以大義激民決濠塹立營堡內安家衆外拒叛逆發粟賑饑鄉人賴以全活

楊辛 洪武中以歲貢授臨漳知縣漳水溢城陷辛
為巨筏數百渡民于高阜全活甚眾水患既
息民相率詣縣拜曰民得活者公之力也辛曰禦
民之患吾分內事何以謝為後徙縣治建學校皆其
規畫民利而思之入臨漳名宦祠

劉寧 宣化社人成化戊子舉人授廣平府通判多惠
政遷知階毫二州居毫時以勘庄田蠲忤徽世
子械繫未幾釋復任保安知州以禮致仕嘉靖壬午
進散官一階歲給米四石所著有松軒集入廣平名
宦祠

何鳴講 正德庚午舉人授曲沃教諭講書課業無間
寒暑與士子同宿于號房每夜二鼓視士之
勤惰而勸督之不受餽遺極貧者出俸資之卒于官
士為停誦入曲沃名宦祠

義

李幹 邑時生事親色養母終廬墓三年後領鄉薦
任蘄州學正

李佩 幹子事親以孝聞親終廬墓三年無忝厥父後
任南城兵馬指揮

馮守仁 徵子侍母王氏痼疾旦夕不離側撫第五人
導以耕讀各性其才後任遂昌丞因乞分俸
不允告病歸母卒廬墓三年

崔寬 邑庠生父卒廬墓三年

石玉祿 衛靈社人母疾藥不能瘳潛割股肉以進疾
遂愈人以篤孝稱

石溫 玉祿之子父卒廬墓三年知縣葛臣親造其廬
扁曰世孝

李祿 字天爵父早卒奉母孝母沒葬畢奉主就祠即
設一榻旦夕棲止三年足不入中門

石礪 玉祿之孫家貧為傭人事母孝朝出必囑母為
安適仍命妻善為飲食供之夕入問其母果安

適乃喜所獲傭資必市時物以奉歷二十餘年有如
一相母死竭力營葬哀毀骨立知縣齊鳴鳳給粟厚
加勸焉

趙純 隸番社人邑庠生五世同居以孝友稱

白天祥 隸李套人少孤事母以孝聞家甚貧而能順
親之志里人誦之口舌爾夕膳晨餐不如菽
水承歡

元吳惠 尚義濟民延祐四年六月勅置石獅一對
鑄吳惠濟民與姓上十戶吳冲和字

明吳鏞 惠之曾孫正統十一年輸粟一千二百石濟
民勅置石坊扁口尚義之門

馮友 正統十一年輸粟濟民有勅置義民坊今廢

王寧 敷教坊社人破產創建北門外袞龍石橋一座
修理闔邑廟宇縣請鄉飲大賓七數次旌其閭

曰純善可風 清和縣高天爵復請又以年高德邵
旌焉壽百歲

楊子東 譚郭社人邑庠生好義樂施嘉靖年間修建
三官廟鄉人感其誠塑像神側嘗作遷善記
勸世

白珺 賑貧周急閭邑廟宇皆倡義修葺知縣高天爵
請鄉飲大賓如是數次壽九十三歲

皇清何撫 宣化社人孝友長厚康熙三年邑大饑撫捐
貲以濟全活者甚眾舉鄉飲四次壽七十九

貞節

元崔氏 邑人楊富妻年十九夫逝家貧無子紡績養
姑姑終葬祭如禮誓死守節有司以事聞立
石坊旌之扁曰崔氏貞節之門

明李氏 敷教社人夫蕭增早卒事姑孝謹守節終身
撫按扁其門曰節孝

王氏

幼許聘新李社人張天祥後天祥別娶王氏以處女自守隨父王紀之任建寧後歸值天祥婦

故仍適天祥歲餘天祥故王年二十三父欲改適氏泣曰有夫壽短即女命薄不願更事他姓况夫無子

母老家貧漫無倚賴何忍言去乎父為感動不奪其志事姑司氏孝謹終始如一守節八旬卒

張氏 參議張希稷之女也隆慶元年適長山縣鄉宦李孝男揚休方七月揚休病飲藥苦張先嘗跪

奉病竟不愈而卒號痛幾絕即日閨中機上蓋死事聞奉 旨旌表建烈婦坊于長山

張氏 庠生張一山女適庠生李思堯男挺挺疾張供湯藥焚香祝天願以身代且嘗其糞以觀疾之

重輕及挺疾甚預為置一棺復自買一棺謂挺曰君如不諱妾即以此器殉之已而挺卒張欲自盡家人

覺之嚴其防張哭躄不食絕而復蘇且佯以不死給之旬日防少疎用孝帶于柩側縊死撫按扁其門曰

貞烈知縣齊鳴鳳立石于墓

皇清信氏 白瓚妻年二十三而寡撫孤天祥甫六歲家

以節孝聞當事撫按扁其門曰節婦賢母享年八十有四順治十五年始卒曾孫眉品行卓犖文學剋費

序

何氏 張輔武妻崇禎十五年夫被畧久無音耗姑周

氏愍其少無子欲改嫁之何將自盡姑慰而不奪其志暨姑亡即將宅舍田產歸二叔紡績自活年

七十尚存

東漢牟紆 萇之子隱居教授生徒千人章帝聞而徵

之欲以為博士未至卒

周璆 字孟玉志行高潔郡守屢徵不至惟陳蕃能致

焉字而不名特為設一榻去則懸之後蕃為豫

章太守待徐穉亦然

隱逸

高苑縣志

卷之六

五

明何一鳳

宣化社人初名俊為邑庠生後充黃縣吏年二十七遂棄妻子遊名山嘗寓蒙城西

陽埠口晦跡隱名以賣卜養身號百開子著丹臺鶴韻一卷後不知所終

張珩

字叔玉號甘泉早精經術期于用世會逆瑾流

與天性純篤孝友一出自然與物無競孤寒尤加周恤構甘泉書塾以教子意在立德為上立功次之擇

端方之士與諸子遊晚遇恩當授冠帶辭曰衰朽草茅曷預文物有司慕之不奪其節子希稷希召相

繼登第歿後三十年以子希召貴贈戶部廣東清吏司郎中

何揚

浩之子少入邑庠既而翻然厭事舉子業退居郭外闔扉自娛專心素問兼事吟咏人以隱德稱之

皇清

王化鵬

字既遠蘇州吳縣人少為縣學生有文名忽棄家遠遊至山東郡縣守令咸倒屣迎之

紳先生願望見顏色後乃家高苑公多才藝有至性

超

張惟一

字賈之學道於方山遇異人遂得丹書精於醫能療奇疾同時王名高亦隱於方術云

高苑縣誌卷之七

賦役誌

地畝 徭役

稅糧 兵防

丁口

敘曰有田則有賦有丁則有役自上世以來未改也故明時夏楚漢遺徵之地畝銀力二差派之門丁廛苑邑濱海斥鹵強半閭閻之民又拙于生計致民日勞而財日匱我

國家賦役酌中而用之法誠善也但兵燹之餘地荒丁亡不能及曩時三之一二顧在奉行之者何如耳故曰有治人無治法調停而愛養之惟良長吏加之意焉

謹取賦役舊額載諸掌故者臚列之亦存羊意也新例則款開於後

地畝

明初原額官民地三千七百四頃六十三畝四分二釐七毫五絲

灶地七十一頃七十八畝四分

鹽爛地四百一十六頃五十畝二分四毫

驛站地八百三十頃

萬曆十四年署印苜州判官周宣清丈地畝

熟地二千八百二十三頃七畝二釐

灶地一十四頃七十五畝

萬曆十九年奉例條鞭酒派闔縣

荒地七百七十九頃六十九畝四分三毫四絲

萬曆十八年知縣齊鳴鳳重丈地畝

熟地四千一百五十三頃三十三畝二分一釐一毫

荒地七百七十六頃一分七釐四毫

皇清

順治二年知縣武振華清丈地畝

不分等則共地三千四百一頃六十一畝二釐八毫

內順治五年巡撫御史張明文開除竈地五十六頃三十五畝仍歸各場派徵

實存額地三千三百四十五頃二十六畝二釐八毫內水占地七十三頃五十六畝四分一釐二毫另例派徵

實剩大糧地三千二百七十一頃六十九畝六分一釐五毫又順治四六等年撫按兩院

題明奉

旨除豁荒地一千六十八頃八十二畝一分八釐七毫內

成熟地二千二百二頃八十七畝四分二釐八毫

徵銀五分五毫四纖五沙一塵二渺三漠七埃

十二年至十六年知縣趙守紀開墾地五十九頃四十三畝一分八釐

康熙元二年知縣魏體義開墾地四十四頃九十畝五分八釐九毫

三年至五年知縣俞之璉開墾地一百六十九頃四畝四分六釐三絲

八年知縣宋弼勸民自首地五十五頃四十四畝四分七釐三毫

九年知縣宋弼勸墾地七頃八十五畝例應十三年編徵

十年知縣宋弼勸墾地四十八頃二十九畝三分四

釐六毫例應十三年編徵知縣宋弼又清出大糧逾額荒地四百二十頃二十四畝九分九釐二毫

額外荒田共地一百四十七頃二十三畝八分

成熟地一百三十四頃九十九畝一分四毫七絲每畝徵銀一分五釐

康熙四年知縣俞之璉開墾地五十五畝六分

六年知縣宋弼開墾地七十一畝四分三釐

又水占地一頃八十四畝三分三釐三毫每畝徵銀三分

九年知縣宋弼勸墾額外荒田地伍頃十二年編徵

實在荒地四頃一十二畝三分三釐二毫三絲

稅糧

明條鞭額夏稅小麥五千三百二十石九斗七升四

合二勺 起運三千九百石折徵銀一千一百五十

九兩四錢五分七釐

存留一千四百二十石九斗七升四合一勺內除官

儒二倉裁官減派麥五十五石一斗七升四合一勺

實徵麥一千三百六十五石八斗折徵銀七百四十
一二兩九錢三分五釐六毫八絲

秋糧粟米一萬二千四百一十五石四斗八升八合
三勺 起運八千五百石折徵銀五千八十六兩二
錢一分七釐

存留三千九百一十五石四斗八升八合三勺內除
官儒一倉裁革官員俸糧減派米八十三石三斗二
升八合三勺外實徵米三千八百三十二石一斗六
升折徵銀一千八百九十七兩六錢二分一釐九毫

一二絲

馬草二萬一千九百一十束折徵銀八百四兩五錢
四分八釐

驛站地銀一百九十三兩二錢五分

德府子粒地銀二十六兩七錢二分

民佃灶地銀四十兩五分四釐

皇清夏秋本折諸款併丁徭銀總爲

丁地起運

夏秋馬草鹽鈔等項起運本折正費其實徵銀一萬

三千三十一兩三錢五分四釐一絲一忽六微九纖

七沙

夏稅折色銀六百七十八兩四錢八分二釐三毫一絲二忽九微六纖一秋糧折色銀二千四百三十六兩三錢六分二釐二毫三絲四忽八微三纖一馬草折色銀五百七十四兩七錢五分一釐四毫四絲八忽七微一纖一監鈔折色銀七十二兩一錢八分四釐六毫二絲五忽二纖一民兵銀八十四兩八錢三分三釐二毫六絲四忽八微一釐九釐銀一千三百四兩九錢二分八釐九毫六絲一忽七微二纖一宗祿折色銀五百二十兩三錢四分三毫八絲二忽三微九纖一花絨黃丹折色銀七十五兩六錢一分八釐七毫四絲五微八纖一本省兵餉銀一千七十一兩二錢二分四毫七絲八忽六微七纖一順治九年裁扣各役工食本縣修宅家仗朔望日行香紙鏹共銀一百六十六兩一錢四分三釐六毫七絲三忽六微

四纖一順治十二年裁扣迎送上司傘扇銀八兩一順治十三年裁扣本縣薪銀油燭迎送上司傘扇廩膳三分之二里甲三分之一鄉頭立春桃符各衙門查盤上司使客卷廂心紅紙割歲考科舉生員童生搭棚朝覲考滿文冊官吏盤費共銀三百八十八兩五錢四分八釐一絲九忽三微一順治十四年裁扣里甲馱頭草料並撤出停免丁糧共銀三百十四兩三錢四釐一順治十五年裁扣里甲撥協劉普馬駟鞍屨棚廠槽鏹並新泰縣青夫工食鞍屨棚廠槽鏹分剩共銀一百三十六兩五錢四分五釐七毫一順治十六年裁扣各官月俸銀四兩二錢五分二釐一毫七絲一順治十七年裁扣歲考科舉生員童生搭棚舉人車價進士舉人牌坊起送會試舉人科舉生員盤費迎賀新中舉人進士旗扁共銀二十八兩七錢三分九釐一毫四忽三微七纖五沙一康熙元年裁扣書辦工食共銀一百兩四錢四分一釐二毫一康熙三年裁扣教諭俸齋夫馬草門子工食共

銀一百四兩九分七釐一荒田銀二百八兩一分六釐四毫七絲五微一藥材良二兩六錢二分九釐八毫三絲一忽二微一織一光祿小麥銀一百十四兩七錢二分六釐三毫八絲六忽四微八織一光祿粟米銀一千一百五十九兩二錢三分七釐一絲七忽二微三織一京班皂隸柴薪銀七兩四錢二分二釐九毫一絲六微七織一屯田工料價銀一百十五兩九錢三分八釐七毫九絲五忽二微三織一焦炭銀一兩一錢三分六釐一毫五絲九忽九微一胖襖銀一百十八兩三錢四分二釐四毫四忽三微九織一軍器盔甲銀九十二兩四錢六分八釐二毫五絲八忽六微二織七沙一柴夫銀三百二十八兩七錢二分八釐九毫一忽八織一為遵諭陳言事奉文自康熙七年為始本縣原編協濟蓬萊昌邑蒙陰等縣驛站里甲工料等銀一百六十六兩歸回本縣改為丁地項下起解一康熙七年裁扣文廟壇所等銀一十二兩六分二釐九絲二忽二微三織一本色京庫地畝花絨二斤六兩一錢一分八釐微銀一錢六分六

釐七毫六絲六忽二微五織舖墊銀二分二釐八毫二絲三忽七微五織腳價銀一釐三毫三絲四忽一微三織一甲子庫黃丹二百五十三斤二兩九錢九分三釐二毫二絲微銀十兩八錢八分七釐四絲四忽五微四織八沙舖墊銀二兩七錢八分五釐五絲七忽九微一織腳價銀八分七釐九絲六忽三微六織一本色牛角弓面四付三分微銀十二兩七錢五分五釐九毫四絲五忽二微二織七沙一東昌府廣盈倉粟米折色銀一千二百五十五兩八錢九分四釐三毫一絲六忽七微六織腳價銀五兩二分三釐五毫七絲七忽二微六織一德州倉小麥無麥納米折色銀三百二十一兩七錢九分三釐八毫一忽九微七織腳價銀五錢八分五釐七絲九忽六微三織一臨清州常盈倉粟米折色銀三十五兩九錢五分一釐二毫五微一織腳價銀一錢四分三釐八毫四忽八微一運司錢糧民佃灶地銀二十九兩九錢六分五釐四絲八忽七微四織一戶部折色銀九百七兩九錢一分五釐九毫一絲九忽五微九織

存留

丁地起運折色脚價銀六十五兩一錢五分六釐五

毫一絲九忽一微二纖六沙二塵今隨正項起解

官俸役食共銀一千一百四十二兩五錢九分七釐

四絲本府禁卒二名工食銀一十二兩四錢一本府司獄司俸銀一十九兩五錢二分一知縣俸銀

四十五兩一心紅紙張銀二十兩一門子二名工食

銀一十二兩四錢一皂隸十六名工食銀九十九兩

二錢一快手八名工食銀一百三十八兩八錢八分

一民壯五十名工食銀三百一十兩一燈夫四名工

食銀二十四兩八錢一看監禁卒四名工食銀四十

九兩六錢一修理監倉銀二十兩一轎傘扇夫七名

工食銀四十三兩四錢一庫子四名工食銀二十四

兩八錢一斗級四名工食銀二十四兩八錢一典史

員俸銀三十一兩五錢二分一門子一名工食銀

六兩二錢一皂隸四名工食銀二十四兩八錢一馬

夫一名工食銀六兩二錢一儒學訓導一員俸銀三

十兩五錢二分一齋夫三名工食銀三十七兩二

錢一膳夫二名工食銀一十三兩七錢七分五毫一

門斗一名工食銀一十四兩八錢八分一喂馬草料

銀一十二兩一司兵工食銀四十九兩五錢九分九

驛站里甲夫馬共銀五百四十四兩八錢七分九釐

二毫六絲九忽走遞馬八匹工料銀二百九十七兩

九兩六錢一走遞白夫十六名工食銀四百十

兩三錢二分一走遞青夫八名工食銀四十四兩七

分九釐二毫六絲九忽一撥馬牌子一名工食銀八

兩二錢八分一鞍屨棚廠槽劊銀一十二兩

雜支共銀一百二十六兩五錢八分二毫七絲九忽

八微二織五沙

修理 龍亭帳幔等項銀三錢四分

廟壇所祭祀香燭驚蟄霜降祭旗等項銀五十兩一

鄉飲銀四兩一錢四分七釐八毫八絲九微九織一

鞭春土牛花杖銀二兩七分三釐九毫四絲四微九

織一派微赤曆由帖年終登答造冊共銀八兩二錢

九分五釐七毫六絲一忽九微八織一審編均徑油

燭柴炭銀一兩三錢八分二釐六毫二絲六忽九微

九織一朔望下學按臨紙劄銀三兩一錢一分九毫

一絲七微四織一歲考科舉生員等項銀六兩四分

八釐九毫九絲三忽一微一織五沙一季考生員供

給花紅等項銀八兩二錢九分五釐七毫六絲一忽

九微八織一新官到任等項銀二兩二錢一分四釐

四毫八絲四忽五微三織一歲考生員盤費旗扁等

項銀一十五兩九錢二毫一絲四微七織一歷科舉

人車價銀四兩四錢九分三釐五毫三絲七忽七微

四織一進士舉人牌坊銀一十一兩一起送會試舉

人公宴花紅銀一兩一錢五分一釐三絲六忽九微

七織五沙一科舉生員盤費銀二兩一分五釐一毫

七絲八忽八微五織一迎賀新中舉人花紅銀二兩

三錢二釐七絲三忽九微五織一迎賀新中進士等

項銀一兩七錢二分八釐二毫八絲三忽七微四織

五沙一押囚官吏盤費銀二兩七分三釐九毫四絲

四微九織

明萬曆二十五年大造戶四千四百九十九口四萬三百

九十六千男子二萬六千七百六十二名成丁一萬六

名一婦女一萬三千六百三十四口大一萬三千一

百八口小五百二十六口一民戶一千五百二十一軍

戶二千四百三十一灶戶八十二一力士戶二一校尉

戶七打捕戶十三一僧戶一各色匠戶二十九

下口

高屯縣志

卷之七

九

高苑縣志 卷之七
皇清原額不分等則一例人丁六千五百五十丁每丁徵銀
二錢六分八釐

順治四六等年 撫按兩院

題明奉

旨除豁逃丁人丁一千二百六十五丁

順治十一年清出新增人丁五百七十七丁

順治十二年至十六年清出新增人丁五百九丁

康熙元年清出新增人丁一百七十九丁

康熙三年額外增出人丁一百七十二丁

康熙八年額外增出人丁一百五十丁

康熙十一年額外新增人丁五十二丁例應十三年
編徵

徭役

明萬曆十四年歲編門丁銀四千一百八十四兩五錢二分九釐

萬曆十九年始行條鞭法銀差銀一千九百四十一兩一錢五分一釐一毫四絲二忽

力差銀六百六十七兩二錢七分九釐八毫四絲
里甲銀八百九十兩六分五釐六毫

額辦銀二百三十三兩一錢二分一釐

雜辦銀一百三十四兩九錢七分

匠價銀一十七兩五錢五分

皇清照丁編徵內除鄉紳舉貢生員優免本身二百一

十一丁免派外徵銀一千七百六十四兩二錢四分

四釐 併入地糧內解支遇有差使臨時酌派

額外各色班匠銀一十七兩五錢五分

兵防

教場

在東郭外長一百四十步闊六十步舊制西向面城而射不利于學校士大夫僉以為言知縣

馬文盛改建南向創演武廳三間繞以周垣樹以屏牆重門扁固今廢

宋置宣化軍元置洞兵千戶明景泰間知縣蔡澄始

僉民壯百名防守成化間添五十名備調

嘉靖二十一年知縣杜鏞添設市民五十名鎗手一

百名 後罷 嘉靖二十一年知縣葛臣抽選快手十八

名民壯有馬六名為義勇止存操快手二名民壯有

馬四名步隊三十名守城四十名

萬曆間快手二名民壯三十五名

皇清本縣快手八名民壯五十名 康熙七年裁減九年奉文仍復

青州營分撥馬步兵六十名千把總一員統率駐防
每年春秋輪番更換

保甲 每十家爲一牌有甲長十牌爲一保有保正各

照地方督察巡緝

高苑縣誌卷之七

高苑縣誌卷之八

藝文誌

祭文

碑記

歌謠

詩贊

河議

附災祥叢談

敘曰文以人顯地以文重苑邑雖褊小豈無堅金貞珉紀勒名勝乎豈無湘素之品題咏江漢而賦崧高者乎若夫條議時事又文章之有用者第五季兵革金元戰爭典籍之散逸者多矣求十一於千百凡有關於邑境者錄於篇以稱一方之文獻顧葺漏正訛尚有望於博雅君子云

祭文

唐韓愈祭田橫文

事有曠百世而相感者余不自知其何心非今世之所稀孰為使余歔歔而不可禁余既博觀乎天下豈有庶幾乎夫子之所為死者不復生嗟余去此其從誰當秦氏之失鹿得一士而可王何五百人之擾擾而不能脫夫子於劍鏃豈所寶之非賢抑天命之有常昔闕里之多士孔聖亦云其遑遑苟余行之不迷雖顛沛其何傷自古死者非一夫子至今有耿光臨陳辭而薦酒竟髣髴而來享

明淮安張應雷祭魯連文

於惟先生笑却秦謂愁燕將下聊欲封逃之海上謂富貴必受屈于人謂貧賤得恣吾所向飄飄乎若白日之翔鸞浩浩乎如長江之巨浪無惑乎子順以為天下之高而李白以為吾徒之望也

碑記

唐李明府德政碑

聞夫君國百姓為本皇家六合至曠蓋一人難以獨任必群材與之共理故先王仰稽薦紳俯度廣袤設官署銅墨之榮闢地因子男之國所以播絃歌而化俗馭廉平以字人是則龍躡躡躡屈中都息晨飲之詐熊兆初登灌壇聞夜哭之感其有五百年比肩而立歷百代嗣德以與誰其人斯李明府公之謂矣公名仁字成已滄州東光縣人也昔虹氣遺休是生虞舜著精利建爰命胡公自款之後食菜承家者累葉當之先論道經邦者數代由是景族雲布宏基岳峙屣業則隱隱相承才子乃紛紛間出莫不備存史牒抑亦無待詳言曾祖俊齊臨潁太守平州刺史天錫寶冊人歸佩刀非厦棟不足處其材雖籥樽不可擬其器崑崙位望神岳之鎮四方壘壘清流紫河之灌萬里祖海潤隨明經舉皇朝并州榆次縣令既非其好棄職歸田蘊積道德騰踴光價傾城買劍匪值金珠之間飾意為弓忽在風雲之上池籠豈九霄之事

絃歌作三徑之資父異亮皇朝齊王府庫真揚州大都督府倉曹叅軍事汾州孝義縣令朝散大夫廬州大都督府司馬上柱國祥獲墜鵲慶溢街鱣虹壁居趙之晨旋開納駟之徵惟公承箕裘之令緒藉貂蟬之舊業地德炳靈天光鍾秀精彩動物冲和在躬磊磊正骨昂昂奇狀被服所襲藉忠孝爲表裏耕耘所務由禮義得菑畬風調卽八音齊舉文史乃三冬足用煌霞挫于筆札河漢落其唇吻是以慕高名者皆欣執馭觀牡賦者咸欲馳車輕魏勃之爲人不能擁篲重揚雲之筮仕耶從執戟解褐趙州贊皇縣丞虬虬雄姿初登尺木軒軒勁翮未負青天于將橫斷龍之鋒如何補履神鼎蘊涵牛之用不可烹鷄竟以疾辭不之任也未幾轉任隨州錄事參軍先聖傍咨四岳俯瞻六條惟被勾曹是名雄職委其彈射肅此邦家公俯暢人和仰祇天祐澄清濫濁削絕奸雄由直道而無偏奮英威而獨遠總該百事提衆目之絃綱備照四鄰寫群物之情狀遂使經邦大略頗簡帝心

務多才備彰人口任滿改任淄州高苑縣令若夫近代基趾復南燕之跡古人風景雄聽東阿之宰包泰山而作鎮負滄海以爲池擬秦京之百二夸楚田于八九四履則周室建侯六齊則漢家開國其地卓舉以形勝其人磊砢而英多遊客所以忘歸霸王所以雄據若使俗除放縱風扇淳和太公之一變可追仲父之四維齊舉非夫妙選不可當仁公器宇英傑光塵振聳凌躡仙鳧鬣聽喧鵲仰資師友俯酌弦韋韓稜未基氓庶盈其愛慕徐弘第止井邑紛其詠歌豈不以法施于人則卑高畫一令出于已則天下無雙念茲在茲固已然矣若乃相宜通變博利豐財靜則任人動便益國勸農桑之業塞浮情之源變斥鹵于膏腴化畋漁于紡績蔓草方穢輕馬蹄而不剪叢棘遂虛設蒲鞭而不用純愿興而奸宄息衣食足而廉讓舉乳雉共童子相馴飛蝗與督郵俱去奇政也至若過便引已善則推人撫視惻獨哀矜疾苦置水卽爲滅私書祝火乃請當官舍公鹽魚之利不入權門委俸祿之餘咸資整室兼愛也况復廉以基身直

而成性玉非我寶金畏人知松筠壯其氣節冰霜凜
乎襟袖發嚴電之合珠之明宋叔平之杯
空餘麥餅范史雲之旣惟見塵埃當官正色可謂王
臣審審精力撥煩真是神駒歷歷清沓也重以開建
贊序誘進生徒家崇禮樂俗尚鄒魯東遊結轍書必
五車北面橫經市便三合清風振杏壇之上芳藹馳
稷山之下明訓也遂使人皆恥訟道不拾遺因姓得
男女之名發富流父母之譽如此夫令既行矣政既
成矣然則賢人者太平之基符瑞者大君之德苟能
先贊神化則可輔致休祥頃歲天災流行陰陽舛度
或肥蠶作孽頻驚鑠石之威或商羊有徵屢動懷山
之祲每侵東作恒累西成自公肇降銅章旋輝玉燭
雲不待簇豈復干呂風不鳴條居然應律况乃崇闔
款跨曲帶洪濤湍激崩沸波流混濁一朝變色千仞
見底玲瓏貝闕洞徹金砂寫龜背之圖書疑從鏡裏
涵龍鱗之文字似出空中語覘雖答聖明論感頗鍾
尤異豈與夫庭棲甘露檐乳祥鳩方其德化較其優
劣也嗟乎天地幹運灰瑄環周四時煥其氣序三載

終其考績朝歌縈絳驥之屈壽春遽遺犢之還思董
和之少留爭趨魏闕戀荀公而不得競奉生祠天子
賜之黃金邵信臣光前絕後人史刊其翠石柴陽令
萬古千秋嗚呼昔賢之風烈可追今我之頌聲須作
敬操鴻筆欲闢大猷真謂圖昊穹生人皇居宅海飲
化無外宣風有待樹邑分司銅章命宰烹鮮是屬宇
人攸在虹渚延休媯汭誕聖夏代賓客周時陶正
開國命氏承家得姓門閥之隆公侯之晟惟祖及
考夔屈虬奔景勝郎宿雨逐熊軒太丘問望彭澤丘
園移蝗踐邑展驥臨藩流澤在人貽謀翼子鬱矣
天縱巖然山峙時光景忽流風颺自起金友動俗玉人
傾市仁非習致孝乃因心砥名勵節博古知今言
談爲藪文翰成林俯從執戟俄贊鳴琴靈虬始躍
漸鴻初矯照乘入隋連城去趙剛鯁無撓嚴凝不擾
電似舌端霜疑筆杪今齊古國物產殷殷河流蕩
蕩山氣渾渾鴻生築館通德題門其人不作其道仍
存操製美邑我先朝望歲月未替謳歌坐暢禮橫
大檢樂張巨防骨肉生慈閒田起讓荷教知方合

淳變俗惠逐風舉恩隨露泥
越辭金
過助粟懲
訟解印歸囚緩獄
尊師尚德春誦夏絃儒門濟濟
學市闐闐惟天瑞聖輔聖惟賢至誠幽感靈貺斯駢
荀公難留董和既馭將爲祠之不朽誠恐闕之無
述勒石旌其無雙爲法存乎畫一嗚呼誰其嗣之守
而勿失

宋黃炎三靈侯廟碑記

宋有天下綦布州縣無遠近大小皆有神以爲之司
宅其有能禦大災捍大患有功于民則必錫鴻號以
次疏寵而表異之苑牆有神祠榜曰吳客三將軍時
三墳相望載于圖經雨暘隨感則有祀典存焉邑人
畏仰上下如故歲有水旱則禱之人有厲疾則禱
之螟蝗盜賊之爲患則禱之凡出入動作未有不禱
誠至未有無應自山之東暨河以北無慮十數州與
夫往來商旅技術之人奔走奉禱略無虛日非神之
威靈顯著何以使人信哉如此臣炎到官之始躬謁
祠下環視棟宇殆未稱樂奉意而封爵靡加是謂廟

典然縣庭傾圯驛舍狹隘倉庫犴獄上漏下濕雖欲
致葺有所未暇越一年掇拾遺材隨其緩急盡舉而
新之會朝廷收復全燕芻藁未征轉餉之後旁逮東
州事出非常公私疑懼然而默露誠惻以祈陰相既
從事殫心所願庶幾焉吏民德神之賜不忘相與狀
靈應之疏次第以聞于上而且出力創建廟門恭候
帝訓未幾得請錫以威祐爲額耳目一新威嘆榮耀
真幸遇也乃戒有司具食吹擊以伸昭告之禮又錄
勅書登載堅石以爲萬世無窮之傳是不可以不書
也謹序列于左

明邑人劉寧重修三靈侯廟記

青之高苑舊有勅賜威祐唐葛周三將軍廟居邑治
左蓋自周宣肇基歷漢唐宋元以及國朝上下二千
年間興廢不知凡幾邇者正德壬申邑侯寧津張公
視篆見其傾廢喟然嘆曰事神治民有司之務今廟
貌如此是神失常尊之所民無具瞻之威將何以立
厥政耶乃集群僚士庶各相左右以爲一邑倡侯念

公帑有限隨宜區處普勸闔邑士夫多方信義不踰
兩歲計用有備然後會衆告神遷置經營良以易朽
貞以代濫結架以高築基以厚廟寢旣成神安厥所
肇工於正德己亥訖工丙子僉命寧文於石考之搜
神記威祐三將軍者實西周厲王時人同爲諫官王
好畋獵失政三官諫曰先王以仁義守國以德化民
而天下咸服未聞禽荒也累諫弗從棄官客遊於吳
會楚侵吳三官進曰臣等致身以死事大王自有安
邦之謀願大王無慮耳三官迎敵各用神策楚國皆
降吳王遷賞三官拜辭及厲王崩宣王立三官復歸
于國無何王以三官輔導太子有功遷秩東充撫治
安慰民受其賜商請其資所至無乏其國大治迨三
官旣昇王封以孚靈威靈侯號至宋真宗祥符
元年會帝封泰山至天門忽見三神從空而下帝驚
問之三神備告且言臣等奉天勅命護衛聖駕帝各
以上中下元道化護正定志真君加封後徽宗宣和
五年勅賜威祐廟額意向非神功德加於當時威靈
顯于沒世其何以典起感發古今人心如此哉復爲

歌曰神之世家今不知出處神之生世今忠義自許
神前去國兮寄容于吳神後反國兮不忘其初嗟神
未沒兮以功遷于東充迨神旣沒兮以身殉于高苑
神方昇兮旣膺爵乎周室之侯封神方降兮復加號
于宋代之真宗神饗祿食今年代有限神歆廟食兮
日月無窮

北海翟鑿修濬小清河記

濟清之墟東傾大海土疏而形下支流旁河汪洋靡
一是故河渠之政不可不講嘉靖甲辰秋山東提學
楊君博備述修濬小清事略徵記於予按略小清得
名別大清也源出歷城之趵突泉經華不注歷章丘
鄒平長山新城齊東青城高苑博興諸境帶小清河
潔河漕山泊沙河白條溝鄭黃溝孝婦河烏河漢湊
河諸流至樂安而入於海自故道填於上流與趵突
絕而東注之委復淺隘逼及諸水橫來勢不支而善
潰由是衝決汎濫之勢成而蕩析阡危之患溥矣高
博樂三邑地形最下而受惠多民咨之弊積於一紀

此修濬之功所以弗容已也維時巡撫憲石塘曾公實度物審形首決大策無何擢去而巡按侍御虛亭鄭公董理厥務濟用敏斷浮議用撓巡撫憲虹川端公實繼石塘經略有方克終底績群司衆職祗若闡敵協心事事役興於是歲春三月二十日迄於夏五月十日凡濬河首起章丘尾入博興約袤二百二十五里深一丈闊五倍之博樂二邑增築堤岸百八十八餘里闊二丈高四分濶之三夫役計三萬而贏錢穀約七千而縮旣而設法定制嚴守視之宜垂經久之略由是河功大成水有歸洩除民之害而就其利東人脫是昏墊更宅膏壤則思永其傳以弘其惠此紀刻之典所以不可無也竊嘗考之書陳六府政在養民易贊習坎功惟潤物水澤之在天下也本以爲民利而非以厲民也然功微神禹則嘆起其魚蓋物理所同貴得其性是故水得其性則潤下之利也爲漑鹵之澤爲轉輸之功失其性則溺民之具也爲羨溢之災爲噬臍之患禹之行水也行其所無事使之不欠其性而已自夫嗜誇大者率已見以妄行滯淺

者委民瘼而坐視或虛靡以挑怨或後時而養患不能行所無事達物理以隨其性皆足以蠹民而使之病一也是故涇渠而秦強淮堰而梁敝及時之與虛糜其驗殊也三君子之集是役也明以昭之勇以決之公以成之蓋事在不疑而動且有則故力出暫費而功期末寧得物性之理而協無事之軌矣嗚呼獨水也與哉爲政每若此而萬物有不各得其所天下有不蒙至治之澤者否也是宜有述以詔來者石塘公名銑虹川公名廷敷虛亭公名芸若夫承委經理是役則有憲副龔君良傳僉憲吳君嘉會黃君鰲而吳君之勞爲最贊襄之者方伯葉君照朱君統大叅湯君紹恩顧君途韓君威少叅楊君伊志商君大節廉憲李君香僉憲白君世卿孟君淮預有效勞郡憲則陳珪張汝基邑尹則趙介夫吳俊溫景葵徐貞良熊茂許誌經歷詹澄縣丞商萬鍾而下其勞亦當書者悉載諸碑陰嘉靖廿二年甲辰孟秋吉日

昌化嚴璟許張二公完城記

環借縉進高苑士子講道餘生員何鳴時張希稷孫永壽鄭宗孝等避席言曰昔正德壬申流賊犯我青齊破州縣殺長吏黎庶聞風披靡所過橫尸積塹其鋒難支建議者分郡僚以保隸邑吾高苑則少府張翁宏承委趨至見城隍傾覆不可禦乃令民築城鑿池力弗能濟請金二百二月初完賊累犯境聞公方略嚴備莫敢深入至五月五日賊復烏合大肆堅壁城南通濟橋五里許爲久攻計民驚疑莫定公身先士卒匝堦誓死固守適武定僉憲許公達提兵東巡軍容甚盛謀賊在苑星馳直前截戰於城東北羊欄坡城中聞之勇氣自信金鼓齊鳴若內外相應者賊遂大潰西遁城未受攻民賴以全傍有老人聞言歎欷曰不啻復見今日縉嘆曰尤若茲二公勲業當白世尸祝惜民久昏墊無暇碑傳幸邑大夫葛侯留心教養築堤區田沮洳作乂威揚德洽流移咸復興學校明教化蓋一年而政乃成盍謀諸葛侯曰予昔家食覽許氏家乘載羊欄之捷未嘗不企仰忠節之功叨視篆苑墻又得二翰與諸生口碑矧許公抗宸濠

之變與日月爭光 國謚忠節南史已大書矣似無庸贅何以傳爲環曰唐有張巡許遠守睢陽而弗能存且繼之以死何也外救不至也使內有守外有戰曷至於敗哉故守之於內不可不戰之於外戰於外所以固乎內吾於是痛惜巡遠之不幸不遇許公之來援深慶張公之幸未遣雲鬢之請救而不遭雍丘之拒也彼藩鎮坐視罪不容誅若我 國朝靖難有 人無分分守見義勇爲惟期克賊不數年而齊魯底寧未必不由二公爲之倡也第天理之在人心輿論之在後世去今幾四十年載苑民雖老者沒少者壯尙傳誦不忘予忝文學之責思國史不得覩痛民彝不可泯敢忘固陋敬述所聞爲傳刻諸石以永民思見二公之德之功苑民之俗之厚漸濡 聖化有如此者許公達字汝登固始人贈禮部尙書張公宏字維裕真定人官大中丞俱登呂柟榜進士云時嘉靖戊申春吉立

新鄭高拱功德祠碑記

博愛之謂仁行無所事之謂智仁知合一之謂聖聖人爲天下而遺其利能爲天下而去其害利一而害十仁者有所不爲以美利利天下不言所利知者善藏其用夫知不足以周則道不足以濟知不足以周其於知也爲鑿道不足以濟其於仁也爲貪禹思天下有溺者由已推而納之溝中其於仁者去其貪禹之治水用水之道而不爲私焉其於知也去其鑿後世有得禹之道而行之者潘公之治清河是也自杜張庄決五六月間山澤瀑漲入清沙泊渾水一石其泥四斗至秋冬新城人決蔡家口清沙泊見底乘沮洳種二麥畝收一鍾來歲復築堤納渾水及麥下種又復決堤壅高博樂三邑稼皆害是以三邑爲壑也高與新爭堤不克民被創幾斃事聞於當道下濟南淄青二府議盡得其狀新實基禍公行水至博興蕩蕩懷山襄陵官道迷失中流遇風波濤洶湧如航彭蠡新城人望見公投矢奔竄公親率從官父老塞河益蔡家口之堤三邑人杜席矣公夜至高苑秉燭不寐草治河之疏謂長山之人不修杜張故孝婦之

不入清河新城之民利其沮洳故三邑之人同爲糜爛陳形勢于目前視經綸于掌上法如此之明也於是大司農是其計天道應其誠溼溺之田連歲大稔魚鱉之民粒我來牟君子曰公之論性則故而已有似孟子公之治水以利導爲功不在禹下是故其民尸而祝之曰仁乎吾君士挈菜而事之曰覺哉吾節世而不忘此祠之所爲作也祠祀潘公錢名希行甫字戊戌進士由秋官尚書郎出守青州遷陽信兵備副使云

歌謠

周孔子狄水歌

狄之水兮風揚波舟揖顛倒更相加

戰國齊嬰兒攻狄謠

大冠若箕修劔挂頤攻狄不能

唐韓愈將歸操狄之水兮其色幽幽我將濟兮不得

其由涉其淺兮石齧我足乘其深兮

龍入我舟濟而悔兮將安歸
歸兮歸兮無與石關
兮無應龍求

詩贊

陳陳昭詠魯仲連

魯連有高趣意氣本相求
隄罷秦軍却書成燕將愁
聊棄南金賞方從滄海遊
寄言人世客非君能見留

唐李白詠魯仲連

齊有倜儻士魯連特高妙
明月出海底一朝開光耀
邠秦振英聲後世仰未照
意輕千金贈願向平原咲
吾亦澹蕩人拂衣可同調

金朱自牧清河道中暮歸

緩轡溪邊喜乍晴
夕陽流水漫孤城
川平佛塔層層見浪穩商舟尾尾行
十里煙霞隨野步兩崖木杳撼秋聲
雨暘雖有豐年意久客都無地可耕

元趙孟頫詠魯仲連

驅車策駑馬吾將適齊國
聞有魯連子倜儻好奇畫
一談秦師走再說聊城拔功成
不受賞高舉振六翮布衣終其身
豈復為身役茫茫千載遠
安往訪遺跡躑躅東海上
向風長太息

明太原王瓊題高苑行署

歲暮饒霜雪迢遙海上來
候堂人語靜巢樹鳥聲哀
櫛杮爐餘火庭階地雜萊
齊民供賦重巡省切中懷

天台陳敬初詠田橫

一門兄弟王齊中
恥與群臣事沛公
五百餘人同日死也勝匹馬向江東

信陽何景明詠魯仲連

仲連初歷國排難能解紛
飛書下燕將立談却秦軍
不受萬戶侯長揖千乘君
始稱天下士終為海上民

邑人王儀鳳晚過公河

瀟瀟微雨初晴後
雲綻夕陽掛柳枝
幾處漁歌聲不斷
小

橋流水亂於絲

晉夏侯湛魯仲連贊

賦賦先生有邈其節流仁憂亂抗道自潔隨事抑揚與時開闔

在幽能泰處悶惟悅

河議

青州府推官陳珪小清河議

本職自奉委以來惕然靡寧晝夜思索以為此舉係一方利病萬姓安危必洞識其要害深得其肯綮而後可以建議顧愚劣何足以辦此乃自樂安草橋迤小清河而上歷博興高苑新城長山鄒平至章丘縣清河而止又沿消河而下至齊東青城及蒲臺縣界週迴數百里間陟降原隰備嘗險阻周覽其形勝窮究其源委所至必集士民而詢訪之乃頗得其梗槩始知前此各縣畫圖皆為錯誤縣官不審徂於見聞

出門望洋付之浩嘆雖屢經計議而不得其要領所以謬妄紛紜迄無定論詩曰如彼築室於道謀是用不潰於成是出於是按地為圖集士民而指示之大約高苑等縣水患由章丘之東有漯河一條流二十五里至小清河故道柳塘口橫過淤河而直趨鄒平以下高苑以上之駕鴨灣則溢而汎濫橫流為諸邑之害最其次則青陽驛後之泔山泊鄒平縣西之沙河縣東之白條溝皆受章丘鄒平一帶山壑之水下注小清河至朱家灣之夏旺口下流淤塞乃決岸而西亦會於駕鴨灣舊時小民無識為堤於灣之下水既有源勢不敢捍則橫衝小清河之北岸而入小清河故道流二十里至劉家口又橫決北岸而出以汎濫於數邑之地又次則清沙泊之水亦決故河而入乃決北岸而出為蔡家口又次則孝婦河決岔河口而出諸水輳合匯為巨浸一望無際此高苑等三縣之所以受害也次則烏河之水順小清河而下不能為患但自樂安石辛鎮而下兩岸太卑河身太窄恐不能受以上諸水耳蓋自龍山驛而東環章丘鄒

平東南皆山也諸山譬則屋之脊也山下諸水譬則屋上左隴間之水也小清河譬則簷前瓦口橫盛瀦水之簡槽也新城長山高苑博興樂安之地譬則人家之庭院也今小清河淤塞譬則簡槽中有物作梗而瓦水溢出流滿於庭院矣若開濬小清河故道是剔去簡槽中之物而瓦口之水循簡槽而注於所當注之地又將漯河導入清河是簡槽所受不到之水當於屋上虛脊去處爲夾溝斜出使從外注不爲庭院中之患也夫小清河故道志謂齊劉豫導濟南酌突泉東行經章丘鄒平長山新城高苑博興至樂安而入海今自樂安趨河而上至章丘之清河薛渡口止見得小清河南岸一面橫受章丘鄒平長山等縣群山萬壑之水南岸地高北岸地卑此河橫亘其中延袤數百里各雖與大清配然其實大清乃濟水故道天地生成之河小清乃人力所爲非生成之河觀諸二河淺深廣狹俱不相敵可見矣大清深入地下四五尺闊將二三十丈小清兩岸僅三丈許河底只在平地上水由地上行兩岸爲堤以束之今填淤

滿河底將高過平地五六尺矣所以一決卽爲害也其所以填淤者何也蓋本來河身橫當諸水之衝而又褊淺窄狹不能容受群山萬壑之水往往衝決汎濫而爲諸邑之患凡水上流旣決則下流必淤下流旣淤則上流愈決愈淤愈決淤愈決淤決相尋堙塞日甚而河遂不通矣此河不通則無以受諸山之水由南岸之高瀉北岸之卑建甌而下決防而出高苑博興樂安皆居窪下之地何爲乎其不受害也今必開通此河使受諸水患斯免矣然不必窮源至委盡開之也蓋此河固雖昔人導酌突泉而來甲經數河自東南諸山來者皆爲石閘於下流橫截之使必由此而之海蓋其初爲通舟楫計也今非爲通舟計乃爲除害計耳苟不爲害則已何必盡開而通之故自章丘消河而上諸山之水雖經小清故道而徑趨大清者不知其幾今皆旣入大清不爲東方之害則自此以上小清故道開之無益所以不必開也考之圖志成化癸巳都憲牟公亦嘗挑濬此河自樂安直抵歷下一以洩水一以通舟故大學士劉公珣記之

日退 出膏腴之田數萬頃又曰於是青船入於濟是已後又淤塞而章丘以上諸山之水各隨其性之所之直越小清之故道而趨大清以入海惟章丘白雲湖最闊一遇大雨卽溢于小清而人于大清卽今之清河是已大學士李公賢之記可考也爲今之計惟首除害不啻通舟清河既入大清矣則清河爲大發源於鄒平之會仙山下北流至小清河故道柳塘口高家庄壞閘橫注而下至二十里許則汎濫彌漫至駕鴨灣而與諸水合匯爲巨浸其害居諸水之半此河舊亦由柳塘口高家庄入於小清蓋昔人爲石閘於下流而遏之使東務可通舟故也今閘既廢而河身且復深陡兩岸小清故道俱已淤爲平地自岸上俛視水面且一丈有餘而水深又七八尺若復拘泥舊跡自高家庄挑起至濟山泊之清河溝止計二十里小清故道年淤既久民已栽植樹木小者拱把大者合抱雖殘堤斷隴隱現無常而河身已幾於不可復辨也地勢高仰如許若欲使潔河之水東由故道

與許山泊之水會必須挑一丈深而後水可得行此二十里居小清之上流既挑一丈許不知其下流又當深幾丈許而後水可行也勢必不能矣然則此水竟轉之無可奈何而在其爲害卽於是往復相度自高家庄舊閘即柳灣岸而上止入里許曰紀家口乃潔河水汎西決之舊口也西望清河之舊渡口僅五里許自此至彼地勢趨下經三里許爲常家庄卽小清故道猶有存者深尙五六尺闊亦三四丈又二里許卽薛渡口之舊閘爲清河矣此潔河之所以可由紀家口開至常家庄由故河而入薛渡口與清河合流而入于大清其勢甚便其功甚省與其開二十里高仰之地抑潔水而使之必東孰若開五里上高下低之地導潔水而使之就下以五里而較二十里其遠近何如也舍五里而置二十里其勞逸何如也又沿清河而至齊東縣清河之水入大清河處深而且闊奔駛無滯號爲陳海溝自齊東東門視之下臨如井此其足以容冰而不爲民患中經麻姑堂上下倘有淺澀處則疏濬之可也况詢之柳塘口之居民

僉謂潔河水汎之時始未言下流之害但自紀家口之兩岸言之東決則由袁家口而入于潘家灣瀟于濟山泊而河東之民受害西決則由紀家口而瀾滿平地浸于柳塘口決于常家庄而河西之民受害修堤築口歲無虛日勞費孔多今若由此而開入大清河則非惟下流高苑等數縣之民免害而章丘清平等數止之民亦免于墊溺之患矣一舉而三得利孰大焉然自常家庄而下二里係小清故道不占民田其上三里闕四丈許係民有稅田地當何如曰此自有處夫柳塘口舊闕東西皆有小清故道西至常家庄五里東至新橋十八里淤爲平原沃壤民皆耕種樹植視爲已業久矣今不追其花利但使之承受所占民地之稅糧其孰不從至於地價又或以官銀給之或以小清之故道沃壤加倍償之亦孰不願功省而利倍在所必爲又况地勢水勢使然亦終不容不然者也其長五里內三里平地二里舊河河身深闊俱與潔河相等須用深一丈二尺闊四丈乃可通水此章丘地方當役該縣人夫三千名三日可開一里

十五日而功可成夫潔河之水既入于大清河則塘口舊闕處高家庄以東至濟山泊之清河溝二十里淤平之故道俱可棄不必開省力多矣自渭河溝而南下小清受濟山泊之水東行二十里至王亭口子而北決流于駕鴨灣此二十里淺澀當濬深三四尺自王亭口起至開河口五里許皆淤塞當挑深七八尺開河口乃受沙河之水自鄒平縣西南來入小清東行至閻家橋二即廟前會白條溝之水流至舊口約二十里許此淺澀當濬深三四尺又沙河經鄒平縣西關而北入于小清地正五里名爲開河據本處民人告稱水漲之時東決則由戴家口而漫流西決則由蕭家庄而漫流鄒平縣浮石等數庄之民皆受其害而亟欲濬之然其深不過再用三四尺夫自濟山泊之清河溝起至白條溝之舊口止通計有水而淺者四十五里無水而淤者五里此鄒平地方當役鄒平縣夫開之可自免其縣之水患也當用四千人計一月而完自白條溝之舊口起至朱家灣之夏旺口止計七八里水深不必再開又自夏旺口起至陶

塘口止此三十里淤塞殊甚略有河形而已當挑深
一丈闊四丈皆長山縣地方此處淤塞不通故往往
白條溝溢而東孝婦河溢而西漫流平地浸淫數社
居民患之若開而通之則非惟水循故道高苑等數
縣免害而長山縣之水患亦可免矣此當役長山縣
夫五千人每日開一里計三十日而完自陶塘口起
至劉家口止計十五里此駕鴨灣水衝小清北岸而
入至劉家口而出自劉家口至蔡家口五里南岸口
子受清沙泊水此二十里有水而淺當濬深三四尺
相離齊東青城各五十里宜借二縣夫每縣二千名
四千人每日濬一里二十日而完自蔡家口至岔河
口十七里皆淤涸當挑濬七尺宜用高苑縣夫三千
千名計二十日而完此岔河口乃孝婦河自顏神鎮
受諸水流至此入小清遇下流壅塞乃決而北注為
害甚大自岔河口至烏河口止約五十里大約分為
三等西頭十里淤甚為上等當挑一丈中間三十里
次之為中等當挑七尺東頭十里又次之為下等當
挑四尺使與烏河河身相平水不倒流足矣此五十

里當用新城博興縣夫各四千人一日開一里每縣
不過二十五里約二十五日而完烏河之下為博興
之灣頭自此以下烏河之水循小清故道而流兩不
為害但自樂安縣石辛鎮而下至海口二百里河身
僅三丈許水深止六七尺其間兩岸口子不下三四
十處隄內之水往往與高苑流來隄外之水相平出
入無定須俟上流河通下流水落之時有口所當築
隄所當修淤所當濬者再行估計徐議興工故留樂
安與附近臨淄之夫未用蓋有待也議者見得見今
水勢滔天黎民受害亟欲於樂安地方或挑支脉溝
或濬花陽溝或另挑一河入海便洩之各該一百五
六十里殊不知上流漯河既入于大清則水勢殺一
半矣小清故道又通則濟山泊與沙河白條溝孝婦
河烏河諸水皆由河中行則今平地巨浸之水其源
俱絕矣平地之水源頭既絕而博興以下樂安以上
俱有口子水可還河趨海上既無源下又有洩直坐
待其涸耳何必復為此浩大之功以妨開河之役耶
蓋民力有限不能兩用所謂欲速則不達見小利則

大事不成者或以疏通小清工程浩大謀于青城蒲
臺之間相近高苑地方挑開一河五六十里通大清
以洩諸水此最徑約言似可聽昨見大清河身雖低
而兩岸高于水面二三丈詢諸居民咸謂水漲之時
亦能溢岸爲害今若開之使通于高苑以洩諸水且
前亦足以快然窪下之處亦終不能盡涸而大清水
溢之時又能倒流入來高苑等縣反受其害則大小
清皆爲患矣此所以斷不可從也夫漯河旣改小清
旣通水患固可免矣然駕鴨灣與馬家泊皆聚水之
處天雨連綿汎漲爲害又如之何日駕鴨灣在上流
則入于馬家泊馬家泊在河之低岸水不能上入于
小清故舊有支脉溝延亘三縣至樂安會小清而入
海此天地生成之溝使洩諸泊之水也然在高苑博
典境內者今已没于巨浸之中其在樂安境內者已
淤爲民田長百餘里不必復開須待河道水涸之後
尋其近便小清去處各爲渰溝者徐議濬之使有以
洩諸泊之水于小清足矣今姑未暇及也載觀陶塘
口以下至烏河口南岸爲新城地方北岸爲高苑博
典地方水由中行南決則新城受害北決則高苑博
典受害故小清水溢之時南岸之民偷開北岸往往
殺人致訟勢之使然無足怪者然南岸地勢高故水
溢雖決而進水退則淤而肥利害相當惟北岸地勢
卑故水一決而遂聚經年不消所以浸淫數百里貽
患五六年而民不聊生矣愚民無所知識往往只與
水爭故高苑之民則於陶塘口爲堰以捍駕鴨灣之
水及其旣潰則又爲堰於馬家泊之上亦崩決而不
能禦博典樂安之民亦然每縣界上俱有遏水之堰
所謂以鄰國爲壑者也又新城高苑之間小清決口
數十皆爲月隄以助之修築之勞迄無虛歲所謂補
塞罅漏者也然而隨修隨廢前此命官估計惟會計
此耳不知歲費若干緡而兩岸之民盜決河防互相
爭鬪不知殺死若干命至今訟者紛然可爲流涕茲
誠開小清水循故道兩不爲患堰可不必修堤可不
必築民可不爭訟可不聽矣所謂一勞而永逸
者也

青州府知府潘鈇小清河呈

呈為盜決河防貽害地方事准新城知縣黃金申欲
開支脉溝以洩清沙泊水撫院委濟南府同知賈璋
踏勘間隨被新城縣金家等庄民金厚等將小清河
劉家口決開約有五丈又決開蔡家口亦約有五丈
二口流水晝夜不息平地水深三五尺不等高苑等
三縣蕩漾成湖切思孝婦河自是水流故道河南岸
為新城清沙泊迺自古受水之區人民往取魚藕之
利多不徵糧河北岸為高苑徵糧賦役地畝支脉溝
止是相傳地名並無形跡為有故道令水可就今水
已滄徧高苑縣敷教坊一十三社徵糧之地又浸淫
博興縣西馬頭等十六社下流瀰滿於樂安壽光又
不知幾社滄過地方南北寬約一十餘里東北長將
一百餘里中間地畝難計頃數有此地方重患本職
於本月十九日離府行至博興縣柳橋及苑庄地方
水滿如湖一望無際居民廬舍俱在水中或牽裾而
望他境或起費以就高阜滿耳號哭之聲舉目崩角

之狀凡有人心所不忍聞見者也及至縣之南隅官
道已失陸路行舟凡三四十里始抵城下則博興縣
之城亦在水中矣自縣而西至高苑三十里被滄之
慘猶夫博興自高苑而西至岔河一十二里舊有官
路今俱水襄不能以步職隨分巡海右道僉事邵各
乘葉舟往視河口中流遇風波濤洶湧如渡蠶險比
至則劉家蔡家二口決清沙泊之水看其瀑北以溺
三縣之民急莫能拯不意黃金賈禍如此之毒也世
謂害人惟水為大故古者行軍不能勝則決水灌之
高博與黃金非有不共國之仇也彼謂不決口以洩
水則悞三社夏麥不得佈種不知三縣之麥俱已投
種在地為在已未種之地而害他人已種之麥為本
邑三社之民而灌臨境三邑之地少知自畏者不為
也况漂廬舍犯衆怒侵城池干國紀不意黃金敢於
自用如此如日三社之地被滄誠不可坐視而莫之
處夫從井救人勢必不可清沙泊之水譬諸井之溺
人黃金以三縣之地代受清沙泊之水譬諸納高博
樂安之人填實井中使不為溺逆天害理雖三尺之

童亦識其不可黃金豈便真然無覺悍然不顧至此且小清河納受孝婦河及章丘清潔諸水入海孝婦河則發源顏神鎮歷淄川至長山杜張庄口子潰決長山之民不肯修築夏秋雨水汎漲孝婦之水不由小清河故道而人於清沙汜以致金家等三社之地被滄則固長山遺之非高苑有水逆流其地爲彼邑患也黃金不與長山相訟而乃無禮于高博下邑良以長山與該縣俱隸濟南高博則非其伍爲可爭強耳不知蔡人卽吾人濟青連封接壤尤非蔡人也况兖州疲敝各郡尙得代銀曹金木衝合省俱爲代賦亦以東郡一體之義休戚相關耳何黃金眼界之小不相容鄰邑如此且究訪新城不肯築上源杜張庄之岸而惟欲盜決下流蔡家等口之故居居民咸謂孝婦河六七月之水俱山澤渾汚着地肥腴極起春麥一畝可兼三畝之收故金家庄等三社之民夏秋則利渾水入泊及秋冬渾水沉底則盜決河口以洩泊中清流令其乾盡春二月耕種大麥五月刈割一畝得八九石至六七月又聽其納受渾水至九十月又

復盜決歲以爲常三庄之民俱致殷富果若此言則前濟南府與黃金以秋後開蔡家口爲舊規者非是舊規乃故智耳若鄰國無害而彼有利誰復禁之今三庄以舊不起利之泊反得春麥之收而三縣徵糧之地則竝投種在地而失之是所謂割人之肉以啖已又不意黃金衣冠之流乃作無賴之行如此今蔡家等口業已決矣高博樂安三縣實被滄矣是非曲直當有所歸古之治水方命圯族者法猶不宥固未聞決水以害人也今黃金以一人違衆議決水灌三邑之生靈是宜首加提究以爲悻悻自用之戒次追問金家等三庄豪民盜決河口屢犯不悛之罪仍責令修築河口則法度所在將來或知遵守仍將高博割附濟南免令胡越之視歲遭荼毒之苦則三縣之民幸甚職亦不勝幸甚

本縣知縣葛臣小清河圖說

或者曰易道至隱也四聖方畫圖以著儀禮至贖也信齋方爲圖以顯茲何以圖爲臣曰某痛心高苑水

害茲圖蓋效鄭俠流民之繪古志圖經之遺也高苑地勢爲濟水所經濤山浪屋湯民殺稼地脉爲濟水所馮六月如水一望無際率沮洳斥鹵之墟矣然不但此上有新城長山鄒平居其上流使守堤幸完則上三縣申吾高苑以鄰國爲壑下有博興樂安壽光居其下流使鼠穴或潰則下三縣申吾高苑曷渾水之利害可勝言哉欲因宜便民轉害爲利有二道焉其一通舟楫以資貿易大學士劉翊小清河記云濟青之區有河曰大清曰小清小清發源於歷城之趵突泉中匯涓潔籠諸水東北抵樂安高家港入海大清則濟水渠也自東阿至張秋東北抵利津富國鹽塲入海往年舟楫浮于二河商鹽便于齊魯諸道水利鮮與爲儷自永樂以來堙塞不通水失其經一值天雨茫茫巨浸壞民田廬弗以數計成化癸巳叅政唐言相視地形令木工準高下自歷城濬至堰頭又至樂安小清通矣自張秋濬至平陰之滑口大清通矣大小清旣通水循故道退出各縣膏腴可耕之田數萬頃民用大悅其河內備淺置瀦水閘防溢置減

小閘開傍各鑿月河總疊三十有八濬通水路五百餘里於是青船入于濟濟船入于張秋人大稱便臣俯仰今昔國初通鹽商舟楫自樂安高家港等各鹽課司以達濟南府歷城縣燕家渡下卸道里城店俱存舊時民富庶者清河通舟楫之交居民遂魚鹽之利高苑因設稅課一局歲得商稅銀一百六兩一錢九分五釐上堪以資國用下堪以業貧民今是水如故舟楫不通課局亦革四野斥鹼無可耕之田小民株守困窮廬之內無怪乎民之昔富而今貧是其爲已試之成法在今當急興以安民阜財于目前也其二典稻田以教農務元史虞集曰京師之東瀕海數千里北極遼海南濱青齊荏葦之場也用浙人之法築堤捍水爲田聽富民欲得官者合其衆分授以地官定其畔以爲限能以萬夫耕者授以萬夫之長千夫百夫亦如之察其惰者而易之一年勿征也三年視其成以地之高下定額于朝廷以次漸征五年有積蓄命以官就取儲給以祿十年佩之符印得以傳子法如軍官之法則東海民兵數萬可以近衛京師

外禦島夷遠寬東南海運以紓疲民遂富民得官之志而獲其用江海遊食盜賊之類皆有所歸臣徧訪士民有謂地鱗難稻有謂引水灌田有害者載觀周禮草人掌土化之法以物相其地而爲之種凡糞種也鱗瀉用豕糞者曰凡糞種者皆取其糞和水漚其種類竊徧求豕糞以漚種躬相地形以漚洩雖未大成試似頗驗徐察是水源委上而白雲湖一帶汪洋無際下而小清河一帶滲洩甚微若開通舟楫備淺置漚水閘防溢置減水閘則蓄洩有方卽禹溝洫之遺意周公漚防之成法變滄海爲桑田化斥鹵爲膏腴淳于騫窶滿篝之祝東坡霜風綠錦之咏再見于今矣是其爲未試之良法在今當漸舉以安民阜財於後也

前人小清河防論

按凡水在兗州者濟爲大今大清小清皆濟水支流發源均突泉流入大明湖至韓家店北一支流入

清西一支流爲小清會龍山河經章丘會涓潔沙二河經鄒平長山新城會孝婦河又東經高苑博興樂安會烏河漢湊河由樂安馬車瀆入于海高博地勢窪下成帝時黃河決平原流入濟南千乘宋初黃河雖南決然小清之害熾乾德四年清河水溢壞高苑縣城溺數百家其後無歲不溢因設管勾勘農河隄尉一員僞齊劉豫復加疏導金皇統九年令高通改今縣北河于縣南長沙溝受小清水元重濬有礎明法禁修隄防厚又泊多地曠水至卽漫衍有所停洩故洪武初水患頗寧永樂後上源泊地未嘗稅畝或田連數十里而租不數斛民多利之率瀕河爲隄以自固家富力強則又增修之高苑民田稅多徭重下口單寡雖隄有官以主修築然法久弊滋修或不時故土未堅實夫客隄益高主隄益卑故水至不得寬緩湍怒迅激勢必衝嘴主隄先受其害由是言之客隄非惟侵利且貽之害也然大水旣至汎濫洶湧主客之田皆爲波濤雖曰主害亦非客便也漢書曰左隄強則右隄傷其謂此與成化癸巳河淤水溢都憲

車相視地形令水工準高下自歷城濬至堰頭又至樂安小清河復通後白雲湖水溢于小清河爲諸邑患都憲賈又開洩其水使經薛渡口入于大清嘉靖癸巳都憲袁又自博興達歷下開小清河故道幾二百里其涓沙孝婦諸河則濬其塞導其支而樹防於是諸水減注小清河歲厯一紀至甲辰小清河復患都憲端委本府推官陳珪挑濬小清河共四十里立窩舖人夫防守仍令博興縣協濟嘉靖丙午新城知縣畢侗申乞北開高苑縣小清河之蔡家口入支脉溝以洩濬沙泊水由高苑達海蒙海右道左叅政應濟南道左叅政韓會詣新城高苑博興三縣相踏小清河若疏濬支脉溝以殺小清河之水雖於清沙泊之患可除而高苑博興樂安之患復作蓋河高地卑一決則勢不可遏故高苑等縣之豐歉視河之決與不決而已往歲晝夜持刀以防盜決今一聞斯議奔訢如集就盡如該縣所申無害於諸縣必須河闊三丈兩畔各闊二丈許橫當用地七丈許自蔡家口至草橋約凡六十餘里皆高博樂三縣民地焉能使之割已所有以

資鄰邑况工程浩大非役四五萬人役一月未易就緒被害之夫百不及一必須起調新城長山高苑博興樂安之民被害者雖悅不得利者必怨非悅以使民之道高博等縣有害無利誰能樂從况舊名爲泊卽係蓄水之匯或古今廣狹不同耳清沙泊之害小三縣之害大豁除小害而成大害勢必不可行也爲今之計只於小清河陶家口孝婦河杜張庄各決口爲河東西兩崖各起夫修築使之堅厚并於河內壅塞盡行挑濬以後歲設老人二名看守但隄岸損壞卽告官修築使水由其道不至潰決仍於蔡家口南岸姚家口西岸聽其各設石閘以時啓閉水漲則閉閘使水不得出水小則開閘使水歸于河如此雖不足盡除各泊之害而亦少救其二一矣嘉靖丁未新城知縣黃金關申決小清河之蔡家口水灌支脉溝高苑博興樂安匯爲巨壑高苑知縣葛臣申請兩院委本府知府潘欽按臨築塞復踏支脉溝不可開嘉靖壬子新城知縣鄒充會關開支脉溝知縣葛臣關申如前云見在居民因徵糧賠糧有樂土之思招

回貧民因無食無衣
惟驚畏怨警動石人
誦舉羸之咎勞費不
先致民逃之害也議
竇澤是故水土演民
之文以爲起于戰國
塞汙所以防溢也况
下鄰地高阜一決則
築後四五年水方得
男婦自晝在隄舖守
弁端而治者賴有群
縣之利害臣備嘗其

多隴首之想驟聞平地開河不
隻眼之謠亦兼帑庫空虛蹈時
貨歲月難繼恐未見開河之利
遂止噫嘻昔者先生不防川不
用裕也班固謂經無隄防壅塞
夫疏河濬川所以豐物也湮庫
小清水患常被鄰決然苑地窪
捲埽打椿麻箔土牛費用不貲
涸民之死生逃亡關焉故合縣
昏夜荷戟循行吾民牧幸今得
公之建議也否則吾民其魚乎
苦故著之

青州府推官馬從聘

小清河議

看得小清河一道由
涓潔滌山孝婦諸水
海此河之源委也但
受諸水而無害至高

濟南府趵突泉發源以下接會
行章丘長山高博樂壽以入于
自高苑以上河由地中故能順
苑以下地形漸窪築土爲堤地

高丈許載河以行始
博興之水俱不得入
所則三縣各有水患
在河南岸原有清沙
新城受水之區中生
世業倘遇雨水瀑漲
穿河堤北岸使水洩
二百年來所以不陷
此堤一決河水建甌
原不起科而二縣俱
縣則數萬之生靈其
者故高博二縣之衆
若斯之重也今陡被
化爲巨浸國計民生
職故曰明殺新城者
人也乃新民無知見
麥禾冥頑不靈一至
也先是前任新城趙

能達下河身既高故新城高苑
河每遇天雨驟興水無通流之
不獨新城一縣爲然也惟新城
麻大二泊週圍各三四十里爲
魚藕菰蒲之利新民取之倚爲
則傍湖民舍亦被淪沒每欲橫
于高博之境夫二縣地形本下
于淪胥者止憑此一線之堤耳
而下是無二縣之民矣况湖泊
微糧地土傍湖之民有數而二
利害之輕重大小可不較而明
胥力以護此堤誠以河堤所係
新民糾衆盜決遂使沃壤萬頃
未知何止此豈渺小細故哉卑
四人暗殺高苑者不知幾千百
河身乾淤認爲已有遠然佈種
於此尙可與之言利害較是井
知縣慨然建議欲橫穿小清北

岸于高苑地方另開一河以洩泊水而歸之海使其說可行則既可以免昏墊之患又可以息爭鬪之端亦何憚而不爲之但高苑博興原不通海必由壽光樂安而後可達于海奈高博地下形如釜底樂安壽光反以漸而高今築堤載河下流必壅如之何能使徑達于海也恐河堤一穿則高博二縣反爲新城注水區矣卽今二縣被決之害可知也但知去已之害而不顧貽彼之害正所謂以鄰國爲壑者耳惟其偏謬不迥所以其說屢逞而終不能行也當時卑職目擊紛爭之議欲求善處之方展轉思惟苦無長計惟思地名湖泊其來已久較之南方諸湖雖大小不同其理則一若可洩水歸海變澤數爲膏腴古人當先爲之矣何從古以來未聞有洩湖以成田者勢不可爲也而獨欲強行之今日乎若慮水爲災莫若徙民就岸卽湖泊之利爲遷徙安置之資不得已而爲權直之計惟有此耳伏乞裁酌施行

本縣知縣馮文盛支脉溝議

國家分制郡縣新城隸濟高苑隸青疆土賦役各自隔別災患疴痒各自區處若以高苑爲新城洩水新城則利矣不知高苑何苦而代之受患也新城有清沙等泊高苑有馬家等泊兩邑各有窪地猶兩人各有病症欲洩新城水而以高苑爲壑是治鄰人之病而針炙我也鄰之病則愈矣其我之針痛炙苦皮膚肉爛且奈何竊謂支脉溝之不可開者有五民田不可奪也地勢不可強也財力不可輕也城池不可忽也鄰患不可貽也新城所稱支脉溝者評指馬家泊一帶爲可東注入海自萬曆二十一年被新城盜決樊家口滄沒高苑浸淫東鄰二百餘里馬家泊積水不可佈種藉令可東注入海高苑何憚不爲而使馬家泊千頃田土爲累歲積水之區乎今泊下之溝並無形迹一旦強奪民田而曰此支脉溝也憤怒且盡典昔人有云衆怒難任可挾其獨臆而謂人言爲不足惜乎此謂民田不可奪支脉溝之不可開者此其一也博興迤北有土嶺一道約長十五里橫亘東西自博興抵樂安亦如之地勢高厚欲加挑濬深爲未

便先是兩府親詣踏勘文卷俱存可查昔人云為高必因丘陵為下必因川澤今欲損丘陵為川澤得無違地利哉此謂地勢不可強支脉溝之不可開者此其一也東土接年被澇瘡痍未起迄今麥已黃死者半欲開此溝必深濬河身必厚築河堤雖萬金不足費雖萬夫不足役新城以數百之稅尚忍不能捨而動糜萬金勞數邑之民以事新城三庄之民非計之得者也此謂財力不可輕支脉溝之不可開者此其三也高苑地最窪下自蔡家口望邑治若井底然今謂建閘止洩水三分之一於高苑驟聞之則羨深味之則踈小清河底視平地尚高丈許欲令洩水二分於小清一分於高苑多就高而少趨下此必無之理也如決蔡家口開支脉溝則水不注小清河矣趨高苑無論田廬即城池未可知也嘉靖間新城黃知縣力請決蔡家口滕臚申允決開口于水遂滔天如本府潘申文所稱被澇之民或牽裾以趨他邑或起甕而就高阜滿耳哀哭之聲舉目崩角之狀凡有人心所不忍見事既狼狽主議者咋舌以去而民困亟矣前

人已誤後人豈容再誤今新城民楊孟秋不鑒覆轍尚襲故智脫渰沒我土田坍塌我城池雖食孟秋之肉未足以謝高苑之民也此謂城池不可忽支脉溝之不可開者此其四也抑譚止高苑猶曰私其邑耳自新城決水之後渰及博興博興之水聚而未消者三年矣每念為之撫然若復開溝以水濟水謂博興何寧獨博興也樂安歲苦澇恃堤自固如導水決堤而入樂安之民其能免乎此謂鄰禍不可貽支脉溝之不可開者此其五也拂民心違地勢殫財力病人之土田城池以及其鄰卑職之所未解也數邑之民衆於三庄軍國之賦重於私稅今急三庄而害數邑非仁也戀私稅而虧正供非智也不仁不智非政也且清沙泊之水患乃孝婦河之決而下注非以小清之故也小清河雖稍有逆流為水幾何查其泊在長山新城之西北隅每年六七月山水泛漲往往決長山之杜張庄諸口而入則清沙泊之受水實長山遺之也今不爭于上游之長山而爭于下流之高苑何也蓋水渾則利其來以沃田水清則欲其洩以佈

種此二百年來所爲盜決而不已也爲今日計惟有嚴杜張張祥之口以障其源濬小清孝婦之滯以導其流固南北二岸之堤以防其潰而又疏規水之溝以分其勢可用無患此之不務而欲開支脉溝以壑人亦左矣

前人小清孝婦源委議

勘得新城所議小清孝婦源委其誤有四而築岸另成一渠其害有六古小清向程兒頭北流宋劉豫據青州時因此河爲害改而南語具青州志中今乃以爲國初德府運臨淄磚石借水成渠及查小清與臨淄地方絕不相通青州亦有衛府應修宅舍豈不能取臨淄之磚石而以資德府也其誤一又稱孝婦河高苑分流一支名曰支脉溝正東與鄭黃溝漢涑河合流至樂安入海由彼所稱正孝婦河也以下合流亦名小清而指之曰支脉溝是何言也查支脉溝洩馬家泊一帶水逕樂安入于海語亦具青州志中夫

曰洩馬家泊水則高苑境內之水非爲洩小清之水也安得以爲孝婦之支流也其誤二國初小清運鹽後因清潔橫衝小清北岸柳塘口而下河遂斷流鹽船不能達濟以致病商而入塲止辨折色此小清通塞之源委也今仰瓦壩子等口盡改入大清而小清之所受者獨白雲澗山諸水耳上源雖清潔等大小六十九道合流小清是未足爲清沙之害也白雲澗山之水數十年間纔一漲耳小清河迄今也涸無水不知清沙之受水全在孝婦之決口而歸之小清其誤三又以高苑未奉明旨堵絕故道則嘗起宋劉豫于九原而責之不當以罪今之人也高苑立官兵看守河堤乃奉撫按明文古碑見存何者清沙泊自古瀦水無糧之土而高博等縣皆徵糧之土也若任其滄沒國稅焉出今新城之民享魚藕之利無分毫之糧而貽高博等以滄沒之害白日聚衆執持兇器決口傷人此奉何處明文也不以犯禁滄沒各縣徵糧地土爲罪而以堵絕故道責高苑其誤四此所謂四誤者也古小清在高苑者則今之北門城濠在博

典者卽今之縣治是已欲復古小清則未聞廢人之
城門縣治而以洩無糧之泊水也古小清不可復而
索支脉溝之故道以罪高苑不肯開此非高苑之所
敢任也下流諸邑僉謂不可誰能強之渰一泊無糧
之士所害幾何脫有汎濫衝決以渰各邑其害大矣
凡舉事須權其利害之大小輕重以爲行止事在下
流各邑不在高苑也支脉溝不可開而議欲小清之
外再築一岸以成大渠夫地裏之河方可持久地上
之河經水卽淤今之小清可鑒已前此推官陳嘗大
濬矣近年亦小濬矣不旋踵而淤今欲於小清外再
成一渠當亦不旋踵而淤耳與數萬之衆費數萬之
金以成一淤塞之渠必爲識者所笑其害一不事挑
濬而築土爲岸竊計所築之士將焉取之勢必多掘
民田方成此岸是於渠之外又添一渠也夫尺寸之
土皆民間世業奪而爲渠亘數百里計其地價當亦
不貲一泊無糧之士所直幾何而令數邑之民壞徵
糧之上失世守之業以成二渠也悲夫其害二掘田
成渠又欲占田成岸據稱用九萬之夫數日可畢竊

計高苑丁不盈萬冊籍可証將安所借民也欲洩無
糧之泊水而勞大衆以興無益之役其害三又稱築
渠因舊創新可省四十萬金竊計挑土成岸與濬河
等耳恐數十萬之金不可得而省也旣欲省金勢必
強而驅之人各有身誰能爲此三庄無糧之泊作奴
僕也此一役也衆怒必興其害四孝婦小清等河各
係千百年古堤且時有衝決渰沒田廬今新築一岸
新城能保此岸遂無失平竊計其不能也千百年之
古堤尚有衝沃一旦之新岸豈無疎虞以數邑之田
廬而溝壑之仁者不忍也其害五田廬無論已四方
多事城池所係匪細奸民節年決口高苑幸賴有護
城古堤晝夜防守以苟旦夕漫延及博興城前已塌
矣塌後而修又經決口復幾殆矣若新築一岸勢必
衝決田廬不已必及城垣其害六此所謂六害者也
夫欲開紀家口入大清而齊東畏其害欲開支脉溝
入海而博興樂安畏其害驅水害人難以強矣而欲
建無益之渠以滋六害舛之舛者也訊之士大夫皆
稱焦家橋杜張庄一帶河防不謹以致清沙受水宜

責之頂河人役設舖看守卑薄者築之一有衝決責有所歸清沙可免水矣至於新城奸民決開樊家對過二口前此亦議築塞矣卑職往視之如一堵墻然水至即壞此口七年不築又新決史家口黑水灣二口二年不築何者奸民借口導泊水歸河其實欲乘便盜決小清之北岸耳夫既利渾水淤地入得數倍及水既清遂以鄰爲壑滅絕天理至此極矣每議及此輒曰工大難築些須之水即灌入泊矣已享渾水之利而使人受洪水之害無糧之土悉化膏腴而徵糧之土盡成溝壑若之何孝婦河自焦家橋以下抵博興河身太窄且多淤灘如岔河口南岸一淤灘廣數丈突兀而當河之中流水至不下不得不溢出爲患一處如此他可知已今之計當嚴焦家橋杜張其等一帶之河防築樊家史家黑水灣等各處之河口而孝婦河自焦家橋以下抵博興量挑寬廣除去淤灘水自順流而東矣至小清在高新之間者自黑水灣而下淤淺處所亦量加挑濬令得洩白雲許山之水假令決口不築亦不敢議及此也若勞民傷財而

成必淤之渠則非所敢聞也

災祥

周赧王三十一年齊千乘博昌之間方數百里兩血

沾衣千乘故城在高苑北二十五里

漢宣帝本始元年鳳凰集於千乘

成帝建始四年秋河決館陶及東郡金堤泛濫灌平

原千乘水居地深三丈大壞廬舍

河平三年秋八月黃河決平原流入濟南千乘所壞

敗者半

晉武帝咸寧五年木連理生樂安臨濟

唐高宗永徽六年淄州高苑縣民吳威妻一產四男

宋太祖乾德二年淄州濟水并清河溢害高苑民田

四年八月淄州清河水溢壞高苑城溺數百家

元順帝至正四年三月高苑地震壞民居

明嘉靖二十六年小清河決蔡家口大水

二十七年八月十一日申時地震

二十八年正月至六月不雨

二十九年春夏不雨六月初二夜大風拔木飛瓦始

雨

三十年春旱夏水秋蝗九月初十日未時大風拔木

三十一年春夏不雨至六月二十三日雨

隆慶二年秋大水

萬曆四年五月十四日申時黑風驟作晝爲之冥發

屋拔木禾盡偃

五年八月邑副使張希召梁上生芝一叢五本

六年八月復生一叢四本

十五年正月至六月不雨歲大饑

十六年六月初九日丑時地震

十八年八月初四日辰時蝗飛蔽天

二十五年秋河澹諸水沸騰

皇清康熙三年四月二十三日雨霜麥多死

上聞全免租稅戶卹銀錢

七年六月十七日戌時地震黑氣從西北來聲如雷

城堞廬舍多壞人民有被壓傷及死者

十一年六月十九日飛蝗蔽天不大為災

叢談

妬忌漁津

臨濟有妬婦津相傳晉太始中劉伯玉妻段氏字明光性妬伯玉嘗于妻前誦洛神賦語其妻曰娶妻得如此吾無憾焉明光曰君何以

重水神而輕我我死何愁不為水神其夜乃自沉而後七日夢語伯玉曰吾本願神吾今得為神也伯玉寤竟終身不復渡水有婦人渡此津者皆攘衣卸粧然後敢濟不爾風波暴發醜婦雖盛粧而渡神亦不妬也故齊人語曰欲求好婦立在水傍好醜自彰

魚腹金針

平原高苑城東有漁津相傳云魏末平原潘府君字惠延自白馬登舟之郡手中弄

囊墜于水中囊有鍾乳金針在郡三年濟水泛溢得一魚長三丈廣五尺剖其腹得墜水之囊金針尚在鍾乳消盡其魚得脂數十斛時人異之西陽雜俎

蠅報僧命

唐高苑縣人杜通達貞觀中縣官嘗令送一僧向北通達見僧經笥疑所藏悉縑帛

乃與妻謀擊僧殺之僧垂絕誦咒三兩句遂有一蠅
飛入通達鼻久之眼鼻啞眉髮落迷惑失道精神沮
喪未幾通達死蠅復飛出入其妻鼻妻病歲終亦死

勸善書

臨濟狼塚

臨濟郡西有狼塚有人嘗獨行于野遇狼
數十頭其人窘甚登積草上有兩狼入穴

中負出一老狼老狼至以口拔數莖草群競拔之積

將崩遇獵者獲免乃相率發此塚得狼百餘頭殺之

酉陽雜俎

康熙十一年十月吉知縣宋弼按次纂輯

高苑縣誌卷之八